

71-34

T. B. M. M.
KÜTÜPHANESİ

TIP .

DDC :

YER : 71-34

YIL :


ESK. :

CLP :

KOP :

DEM 7013280

۱۹۴۶
۸۱۵




۲۰

توتون معاملاتنک تدقیق ضمنتده

جانیك مبعوثی نائل بك افندی حضر تلیرنك تحت دیا-تندده اوله رق

مالیه نظارت جلیله-سندده متشکل قومیسینك

نتیجه مذاكراتی حاوی تنظیم ایلدیكى راپوردر



D. M. M.
Kütüphanesi
Es. No. : 1026-815
Rumiz : A-L-I

درسعادت



دیون عمومی عثمانيه واردات مخصوصه اداره مرکزیسی مطبعه-سندده طبع اولمشور

نه

۱۳۲۶

Handwritten signatures and marks at the bottom right corner.



مجلس مبعوثان

نومرو ۲۷۲

اجتماع

۳

دوره انتخابیه

۳

۱۳۳۲ - ۱۳۳۳

انحصار دخان قرارموقی ایله ممالك عثمانیه ده توتون انحصارینک ایشلدلمسی امتیازینک اون بش سنه مدته ممالك عثمانیه توتونلری مشترک المنفعه رژی شرکتنه اعطاسنه دائر دیگر قرار موقت حقنده زراعت وموازنه مالیه انجمنلری مضبطه سی

زراعت انجمنی مضبطه سی

انجمنه تودیمی : ۱۱ مایس ۱۳۳۰

رژی شرکتینک کذران اولان اوتوز سنه لك مدت امتیازیه سی ظرفنده ممالك عثمانیه توتون زراعت وتجارتینک اوغرا دینی مضار ومصائبك صفحات الیمه سی دور استبداده توتونخیلکله علاقه دار زراع وارباب تجارت طرفندن متوالی شکایات، بدایت مشروطیت مزدن بری ایسه ولایاتدن متوارد فریادنامه لر اوزرینه مبعوثان ملتک کرسی معلا میده بسط وتمهید ایتدکلی مطالعات و بیانات ایله بو (مشترک المنفعه) زی ویاقندنه کی (مولد المضرة) مؤسسه نك - بررجل سیاسیمزک تصویر و جهله - ملتک باشنه بلا کسیدیکي بالتجربه وبالعمل ثابت و ظاهر ایکن بالقان حرب مشئومنک نتایج مؤسسه سندن اوله رق شرکت مذکوره مدت امتیازیه سنک بعض اسباب مجبره سیاسیه مبنی دها آغیر، دها طاقتشکن شرائطه واون بش سنه مدته تجدید وتمدیدی حکومت سنیه جه قبول ایدیلوب اولاباده تنظیم قلنان مقاوله ونظامنامه لر ایله (انحصار دخان) لایحه قانونیه سی کچن سنه کی اجتماع فوق العاده برای تصدیق مجلس عالی مبعوثانه تقدیم قلنمش و ۱۱ مایس ۱۳۳۰ تاریخنده ده مجلس مالیدن لاجل التذقیق انجمنمزه تودیع بیورلشدی. اوصره ده مالیه ناظری جاوید بك افندینک حضوریه اثنای مذاکره سنده اصول انحصارک مضرات مشهوره سنه و اوتوز سنه مدت ظرفنده تأمین ایله دیکي سنوی واردات خزینه اعظمی بر میلیون لیرای تجاوز ایده مامسنه و لایحه قانونیه نك مستندالیی اولان مقاوله ونظامنامه احکامنک تطبیق ایسه ممالك عثمانیه توتون زراعت وتجارتینک مستقبلاً مأمول ومحقق اولان توسیع وترقیسنه مانع مستقل تشکیل ایده جکی آکلاشیلمه سنه بناء هر نه شکل وصورتده اولورسه اولسون ظهوری ملحوظ هر کونا مشکلات وموانع بالاقتحام ممالك عثمانیه ده بوکونه قدر جاری اصول انحصارک رفع والفاصله مذکور لایحه قانونیه نك رد واعاده سی و او بولده قرار اتخاذی لزومنه اتفاقه قریب برا کثرتله قناعت حاصل ایکن اول ائشاده فرانسه حکومتیه عقد ایدیلن اوتوز بش میلیونلق استقراض اوزرینه بو قانونک ردی واصول انحصارک الفاسی سیاست حاضره حکومته توافق ایده میه ناظر مشار الیه جانبندن درمیان بیورلدیفندن زراع ایچون بك تحملفر ساکوریلن برده ماده سنک هیچ دکلسه صورت خصوصیه ده رژی شرکتیه حکومت بیننده بالائتلاف موقت بر زمان ایچون تعدیلاً تطبیقنه وقانون مذکورک تأخیر مذاکره سنه بالضروره موافقت ایدلشدی.

حرب عمومینک ظهوریه احوال عمومیه سیاسیه نك صورت فوق العاده تحوله مبنی حکومت و ملت محافظه موجودیت وتأمین حق حاکمیت عزم جهانپسندانه سیله عذر لردن بری

دوش تحملنده طاشیدینی بارکران استقلال شکنانه بی سلیکوب آتقی ایچون آن فرصتی بردقیقه بیله فوت ایتمکسزین قاپیتولاسیونلر هائله مشومه سنی درحال اورته دن قالدیردینی کبی قوه تأییدیه سنی ده بالفعل وماده ابراز ایله بو کونکی معظم متفقیرله حربه اشتراك وبعنایه الله یوزده طقسان تأمین مظفربت ایدهرک دشمن مشترکی صولات متتابعه ومتوالیه سیله هرساحه ده مغلوب ولرزه ناک ایتدیکی شوزمانده آرتق ملت وملكته قاپیتولاسیونلر درجه سنده حائز سوء تاثیر وموجب تأثر اولان توتون اصول انحصارینک ادامہ سی نه عقل وکیاست، نه ده اقتصاد وسیاست نقاط نظرندن قابل قبول کوریله میوب لایحه قانونیه نیک مع تفرعات ردیله اصول انحصارک الغاسی تقرر ایتشدیر. بناء علیه واردات دولت وترقی زراعت وتجارت مملکتجه نفع واصابی بوندن اوتوز درت سنه مقدم بالتطبیق ماده تحقیق ایدن باندروول اصوله عائد لایحه قانونیه نیک مستعجلاً بالتنظیم بودوره اجتماعیه ده تصدیقه اقراران ایتدیرلمک اوزره مجلس عالی ملیه تودیبی انجمنکزجه منافع دولت و مملکتیه اوفق عد ایدیلهرک اتفاق آرا ایله تنظیم قلنان اشبو اسباب موجب مضطه سی مذاکره وتدقیق بیورلمق اوزره هیئت جلیله عرض وتقدیم قلنمشدر.

۲۸ کانون اول ۱۳۳۱

انجمن رئیسی	مضطه بحری	ضبط کاتبی	قره سی مبعوثی
آطلایه مبعوثی	قونیہ مبعوثی	ارزنجان مبعوثی	محمد دوهی
حمدالله امین	علی حیدر	حالت	ادرنه مبعوثی
قرق کلایا مبعوثی	قره حصار صاحب مبعوثی	ارطغرل مبعوثی	ابراهیم
رضا	سالم	محمد صادق	آطنه مبعوثی
ازمیر مبعوثی	بغداد مبعوثی	مرسین مبعوثی	صبی
احسان	مراد	صادق	

موازنه مالیه انجمنی مضطه سی

انجمنه تودیبی : ۲۹ کانون اول ۱۳۳۱

توتون رئیسی شرکتک ۲ نیسان ۱۳۳۰ تاریخندن اعتباراً ده اون بش سنه مدته تمیدینه حکومتک مأذونیتی متضمن ۲۲ تموز ۱۳۲۹ تاریخی قرار موقته مربوطی مقاوله نامه وتوتون انحصارینک صورت اداره سنه متعلق ۲ نیسان ۱۳۳۰ تاریخی قرار موقته مربوطی نظامنامه واشبو قرار موقتک قرق دردنجی ماده سنک دردنجی فقره سنی معدل ۳۰ تشرین اول ۱۳۳۰ تاریخی دیگر بر قرار موقت زراعت انجمنک اولبابده کی مضطه سیله برابر هیئت عمومی قرار یله وتعلق حسیله انجمنزه حواله اولنغه عریض وعیق تدقیق ومطالعه اولندی. زراعت انجمنک قوانین مذکورہ نیک کاملاً ردیله توتون انحصارینک باندروول اصولیه ایشلدلسنی متضمن مضطه سنده دخی درمیان اولندینی اوزره فی الحقیقه توتون انحصاری وارداتنک رژی یعنی شرکت اصولیه جایتندن نه تجارت وزراعت ونده خزینیه هاند منفعت نقطه نظرندن برکونا استفاده حاصل اوله مدینی وبالعکس شرکتک کندی منافع مالیه سنی تأمین اوغرنده زراعتی تحدید، زراعی تحریم وتضییق وسیع وشرایید واحده تخصیص ایله فیثات خصوصنده رقابت تجاریه بی منع ایدرک مملکتک توتون یشدیرمک خصوصنده کی قابلیت فطریه سنک انکشافی الندن کلدیکی قدر تأخیر وتأجیل اوغراتدینی کبی وبو حالک نتیجه طبیعیه سی اوله رق کندی وارداتی دخی زراعتک الندن یوق بهاسنه آلدینی توتونلری سرمایہ سنک اون حتی اون بش مثلی فیثاتله خلقه ساتدینی حالده درجه مطلوبه بی اکتساب ایده مامسندن طولانی نه حکومتک نه ده دیون عمومی اداره سنک امید ایتدیکی مقداره استفاده مالیه استحصال ایدیله مدیکی اوتوز سنه ک تجربه نتیجه سیله ثابتدر.

واقعا رژی شرکتی زراعتی تحدید خصوصاً منده کی غیرتک توتونلرک محافظه نفاسی عمده سته معطوف اولدینی ادا ایدرک شرکتک حین تشکله ممالک عثمانیه توتون حاصلاتی اون یدی میلیون کیلو ایکن بومقدارک کندی اداره سی آلتنده اوتوز بش میلیون کیلویه بالغ اولدینی و بوده زراعتی قصداً حصر و تضییق ایتمه دیکنه و بالعکس بالاده عرض اولونان غایه نك استلزام ایتدیکی حدود و شروط دائره سنده تسهیل ایتدیکی و وارداتک درجه مطلوبه ده تزايد ایده ماسی مملکتده قاجاقیلغک تعمم ایتمسندن و بونی منع ایچون حکومتدن لزومی درجه سنده معاونت کوره مامسندن منبع ایدوکنی درمیان ایتمکده ایه ده زراعتک امر زراعت ایچون معروض قالدینی مشکلاتی و مجازات و حتی غایت نفیس توتون استحصال ایدن مناطقه زراعتک کلیاً منعی کبی وقوعه کتیریلان اعتسافات و ترهیات قیود رسمیه ایله مثبت بولمسنه و مملکتک قابلیت استحصالیه سی رژی نك لطف و غیرتی نتیجه سی اوله رق واصل اولدینی ادا ایتدیکی مقدارک بر قاجاق قات فوقنده بولندینی معلوم اولمسنه نظراً ادعای واقعتک رد و جرحی ایچون اوزون اوزادی به اعمال فکره احتیاج اولیوب بالعکس ترقیات واقعه نك شرکتک رأی و آرزوسی خلافنه اوله رق قوانین اقتصادیه نك بر نتیجه طبیعی سی اولدینی ادا و اثبات ممکن اولمغله بوباید تطویل کلامه لزوم کور مامکده یز .

قاجاقیلغک تعممی مسئله سته کلنجه فی الحقیقه بزه جریحه اجتماعیه حاله کلان بوچیرکین صنعت ینه رژی نك تعقیب ایتدیکی و قانون جدید ایله برقات ده تشدیدنه موفق اولدینی سیاست سقیمه نك نتیجه سی اوله رق وجوده کلش و بدایت تحدید زراعه قارشی دها حلیمانه و دها مستقیمانه دها مساعد کارانه بروضیت آلهرق بونک اوکنه کچمک و بلکده بونک بونک قلع و احما ایتمک ممکن ایکن سرمایه سنک درجه سته کوره زراعتک تحدیدینی و سیر و شرانک قصر و تخصیصی کندی منفعتنه موافق کورن شرکت کندی خطاسی جبر و شدت واسطه سیله تصحیحه قیام ایتمسندن طولایی بالعکس تعممنه سبب ویرمشد . او حالده که بونک ممالک عثمانیه ده کی توتون قاجاقیلغی بین الاهالی افعال ممنوعه دن اولمقدن زیاده زراعتک ثمره سعی لایق اولدینی درجه و مقداره استحصال ایده بیلیمک ایچون توسل ایتدیکی وسائط مشروعه دن بری عد و اعتبار ایدیه جک حاله کلشدر . چونکه برسنه متبداً چفتجیلکک بونک مزاحم و مشکلاتی و توتون زراعتک محصولات ساره زراعتنه نسبتاً استلزام ایتدیکی فضله مصارقاتی اقتحام ایله بر مقدار توتون استحصال ایتش اولان چفتجی مالی صایلفه چیقارنجه فقدان رقابتدن طولایی شرکتک وضع ایتدیکی لاشی متابه سنده کی فیات قارشوسنده قاهره بومالی اختیار ایتدیکی مصرفی بیله تأمین ایتمین بر بدل مقابلنده رژی به عادتا بخش ایتک مجبور بئنده قالدینی زمان سنه آتیه ایچون یا توتون ترلاسی وجوده کتیرمک اوزره صرف ایتدیکی امکی و نقدی فدا ایله زراعتدن صرف نظر ایتکده یا خود زراعتده دوام ایله مصرفی تأمین ایچون محصولک بر قسمی حتی الک نفیس پارچه سی قاجاغه صرف ایدرک تأمین منفعت ایلکده مضطر قالمقده درکه بونده کی قباحتک الک بیوکی چفتجیدن زیاده کندی منفعتی تأمین ایچون بیع و شرایی ساحه رقابتدن اوزاقلاشدیران شرکتده اولدینی بدیهیدر .

قاجاقیلغک توسع و انتشاری اسبابندن بری ده ینه شرکتک خطاسی اولق اوزره صاندینی معمول توتون و سیغاره لرک فیثایله نوع و نفاسی آره سنده کی فرق عظیمه آرامق لازم کلیر . هر نوع مراقبه و رقابت تهلکسندن مصون اولان شرکت بازار شرایه چیقاردینی توتونلرله کندیسینی خلغک جلب و رغبت و ممنونیتی استجلاب ایله دکل کندی منفعتی تأمین

ایله مکلف عدايتديکي ايجون بوتوتونلرک فيثانلری نسبتده نفيس اولسنى قطعياً دوشونماکده ویکرمی غرامنى درت غروش کبی غالی بر فيثانله صاندينى پاکتلى بيله يوزده يکرمی ، اوتوز نسبتده توز توتون وعین فيثانله صاندينى يکرمی سیغاره لاق پاکتلى دهینه عین نسبتده توز توتونله املا ایدلش ایشلده من ، یاقدقن صکره ايجمه دن آتغه مجبوریت حاصل ایدر سیغاره لرله طولدرمقدن صیقلماقده درکه بوحال مستهلک اولان خلک رکڑی معمولاتندن نفرتی ورژینک الک نفيس اولمق اوزره صاتمقده اولدينى توتونلردن دهان نفيس اولان چاق توتونه رغبتی مستلزم اولمشدر .

مع هذا شرکتک بالاده ایضاح اولنان سیاست سقیمه سنک نتایجی مملکتده یالکز چاقچاقک توسعندن وزراع و تجار و طولایسیله صنایع ملیه نک ضرر دیده اولسندن عبارت قلامش مملکتک صنوف خلقی آره سنده مدھش بر ضدیت و منافرت دخی تولید ایدرک بری رکڑی قوجلیسی دیکری توتون چاقچیسی ناميله ایکی حزبه انقسام ایدن بر قسم وطنداشلر بر برینه بی امان بر حرب اعلان ایدرک یکدیگری تپلمک باشلامشدرکه الله ایستاتسیق اولماقده برابر ارباب وقومک تخمیننه نظراً بو یوزدن ترک حیات ایدن عثمانیلرک اوتوز سنه ظرفنده اوتوز بیک کشیه بالغ اولدينى و حبسخانه لرله طیقلیق اموال منقوله و غیر منقوله سی مصادره اولمق زراعت و تجارتدن منع ایدلک صورتيله خامانی پریشان اولانلرک بوحسابه داخل بولندينى تأمین ایدلکده درکه چاقچاقک منعیله حقوق و منافع مشترک نک صیانی پرده سی آلتده بو مقاله و منافرتی وسائط مختلفه ایله ادامه یه صرف قدرت ایدن شرکتک بو خصوصده کی حصه مسئولیتی غایب عظیمدر .

برخاربه داخلیه نک استلزام ایده بيله جکی ضایعاته تعادل ایدن و بالتیجه قوای اقتصادیه مملکتی رخنه دار ایلیان بو فداکارلغه مقابل خزینه دولتک و دیون عمومی مملکتی احما وظیفه سیله مکلف اولان دیون عمومی اداره سنک بو اوتوز سنه ظرفنده استحصال ایدلکی منافعک بکون عمومی ماله نظارتندن آلان قیده نظراً ۳ میلیون اوج یوش اوج بیک بش یوز سکسان ایکی ایرانی خزینه یه ویکرمی اوج ۳ میلیون ایکی یوز آلمش سکر بیک الی اوج لیراسی دیون عمومی یه عائد اولمق اوزره جماعاً یکرمی درت میلیون آتی یوز قرق بر بیک آتی یوز اوتوز بش لیراه بالغ اولمقده درکه وسطی حساب ایله رکڑی شرکتک حکومت و دیون عمومی مملکته تأمین ایتدیکی منافع سنوی سکر یوز یکرمی بر بیک اوج یوز سکسان یدی لیرادن یعنی حکومت عثمانیه نک دخان انحصاری باندرول اصولیه اداره ایتدیکی زمان استحصال ایتدیکی منافعدن یتش بر بیک اوج یوز سکسان یدی لیرا فضله دن عبارت اولوب بونکده ذوق خارینه دکیان بر تجارت اولدينى آشکاردر .

داده ؟

شوراسی ده شایان دقتدرکه دولتک توتون انحصارندن یدی یوز الی بیک لیرا استحصال ایتدیکی زمانلرده صرفیات داخلیه مزک سنوی یالکز درت میلیون کیلو واستحصالات عمومی مزکده اون یدی میلیون کیلو مقدارنده اولدينى ورژینک بالاده ذکر اولان مقدار وسطی منافی تأمین ایتدیکی زمانلرده ایسه صرفیات داخلیه مزک سکر میلیون کیلو واستحصالات مزک ایسه اوتوز بش ، قرق میلیون کیلو ایدوکی قیداً ثابتدر . شوحاله نظراً ملت عثمانیه نک بو اوتوز سنه نک بوتون اعتسافات و چایی سنوی یالکز یتش بر بیک لیرا ق منفعته مقابلنده تحمل ایتدیکی تحقق اتمکده اولیورکه ارقامک بوشهادت فجیه سی اوکنده مبهوت و متحیر قالمیجق نه بر عثمانلی نه ده بر اجنبی تصور ایده میورز .

فی الواقع موضوع بحثمز اولان یکی تمديد مقالوله نامه سنده رکڑی حاصلات صافیه سنک حکومت و دیون عمومی ایله شرکت آره سنده کی طرز توزیعنده بعض مرتبه تعديلات

وجوده کتیرلش و شرکت سرمایه‌سنک سابق شرطنامه موجب‌نجه یوزده اون بر بجه‌بالغ اولان فائضی یوزده آلتی‌یه ایندیرملکه برابر حاصلات مذکوره مقداری معین بر درجه‌ده تزیاید ایندجه حکومتک حصه‌سی نسبتک‌ده آرتمسی اساسی قبول اوله‌رق دیون عمومی و شرکت حصه‌لری اونستده تنقیص ایدلش ایسه‌ده اوتوز سنه‌ک مدید و الیم بر تجربه‌نک ویردیکی قناعتیه بناءً الیوم مرعی‌الاجرا اولان انحصار دخان قانون موقتک سابق شرطنامه‌یه نظراً زراعتک تحدیدی ورقابت تجاریه‌نک اشکالی کبی خصوصاً‌ده احتوا ایندیکی ده‌ها شدید احکامک ده‌ها نافع نتیجه‌لر و بره‌بیله‌جکی قطعياً امید و حکومتک سابقندن ده‌ها فضله منفعت مالیه تأمین ایده‌جکی اصلاً ادعا ایدیله‌مز .

مع‌هذا شوراسی‌ده اعتراف اولمیلدرکه منافع ملیه‌مزی خللدار ایدن آنف‌المرض احوالک اسباب تحدید شده شرکتک سیاست سقیمه‌سیله برابر اصول انحصارک و بالخاصه شرکت اصول انحصارینک‌ده بنفسه پک چوق تأثیراتی واردر . چونکه اصول انحصارک وضع اولندینی هر هانکی بر صنعت و تجارتی فله‌جاوغراتمی ترقیات و انکشافاتی منع و توقیف ایلک شاندندر . بودجه اعتباریه تأمین منفعت ایتک ایسته‌ین حکومتک بعض صنایع و محصولات اوزرنده اصول انحصاری تطبیق ایتلری الک اسلم طریق‌در . نته‌کیم آوستریا - مجارستان ، فرانسه و ایتالیا حکومتلری توتون رسومی انحصار طریق‌یه استحصال ایتکده‌در . آنجق بونلرک استحصالات زراعیه‌سی یا احتیاجات داخله‌لری تأمین ایتیه‌جک مقداره و یا خود اخراجات الیریه‌جک ماهیته اولوب یوقسه مملکتک منابع ثروت و اقتصادندن اولان صنایع و محصولات اوزرینه نه آوروپا نه‌ده آمریقا‌ده انحصار وضع ایتیش هیچ بر حکومت موجود دکلدر .

بزم وضعیتمز ایسه بو حکومتک هیچ بریله قابل قیاس اولیوب بز هم بودجه‌مز ایچون واردات تأمین هم زراعت مملکتی اولدینی متفق علیه بولنان مملکتیزک بوقابلندن اعظمی استفاده‌ی الیه ایدرک خلقمیزک استطاعت مالیه و اقتصادیه‌سنک توسی و بناءً علیه هر نوع محصولات ارضیه‌میزک انکشافک تسهیل مجبوریتنده بولندیمز ایچون نه‌بو آلمانزی طبعاً منع و تنقیق ایده‌جک ماهیته اولان اصول انحصارک تکرار احیاسنه نه‌ده توتون رسومندن حاصل اوله‌جق آز چوق بر واردادن بر شخص ثالث‌ده جر منفعت ایتیمسه مساعدیه ایتیه‌رک بو وارداتی مختص بولندینی دیون عمومی‌مز قارشولنی اوله‌رق تماماً بودجه‌مزه حصر و تخصیص ایتک احتیاجنده‌در .

ایشته بومطالعاته‌مبیدرکه انجمنکز زراعت انجمنک نقطه نظریه‌یه بالاشترک موضوع بحث اولان قوانینک ردیلر توتون رسومک باندرو ل اصولیه اداره‌سنه اکثریت مطلقه‌ایله قرار ویرمشر . آنجق انجمن بوقراری اتخاذ ایتدیکی زمانردواقعتک نتایج حقوقیه ، مالیه و اقتصادیه‌سی دخی نظر تدقیق و تأمله آلمق لزومی حسن اتمش و بو بایده وقوف حقوقی‌لرینه اعتماد ایلدیکی بعض رفقای کرامک مطالعاتی‌ده آله‌رق نتایج آتی‌یه دسترس اولمشر :

نتایج حقوقیه — شرکتک مدید امتیازی بو بایده بر مقاوله عقدینه حکومتی مأذون قیلان بر قانون موقته و توتون انحصارینه تأثیر قانون موقتک موجودیتنه و مقاوله‌نی عقد ایدن مالیه ناظرینک بعض تعهداتده بولندیفنه نظراً بونلرک ردی‌حالده حکومتک بر کونا تضمینات اعطاسنه مجبور اولوب اولیه‌جنی و بالخاصه حکومتی عقد مقاوله‌یه مأذون قیلان قانون موقتک ردی تقدیرنده شرکتک تصفیه معاملاتنک نه اساس اوزرنده اجراسی لازم‌کله‌جکی تقریر ایدلک ایجاب ایدوب آنف‌العرض رفقای کرامک تحریراً اعطای ایتدکلری رأی‌نامه‌ده قانون موقتلر حقنده

مجلس عمومینك برحق تقدیر مطلق اولوب مجلس عمومیجه رد اولان بر قانون موقتك تأثیراتی تام اوله رق قالدینی حالده آتی ایچون مجلس عمومینك قراری تاریخندن اعتباراً زائل اوله جفته و علی الخصوص دخان انحصارینك تجدیدی حقنده تنظیم قلنان مقاوله نامه نك تعاطیسنه مأذونیتی حاوی ۲۲ تموز ۱۳۲۹ تاریخی قانون موقت رده مجلس عمومینك حق بولندیغه نظراً حقوقاً دولت عثمانیه نك قانون مذکور كوردی حالنده تضمینات اعطاسنه مجبور اولدینی و بوحالده شركت مالك اولدینی توتون، مستقات و ماكنه لرك تصفیسی اموال مذکور نك ۲۷ مایس ۱۸۸۳ تاریخی شرطنامه نك موضوعی تشکیل ایلان امتیازك زمان انقضاسنده موجود بولندیغه و یا زمان مذکور دن سوكره اكتساب ایدلدیكنه كوره اشبو شرطنامه نك او تحبی ماده سی احكامنه و یا قواعد عمومیة حقوقیه یه توفیقاً اجرا ایدلسی لازم كله حكی در میان ایدلش اولوب بویله بر ردك وقوعی حالنده بركونا محذور حقوق متصور دكلدر .

نتایج مالیه — اصول انحصارك بودجه اعتباریله نتایج مالیه سی انجمنمرك اكثرینی مهم عد ایتمامكده در . فی الواقع شركت انحصارینك اوتوز سنه ظرفنده حكومته تأمین ایتدیكى منفعت مالیه نك حد وسطی سنویسی بالاده عرض ایدلدیكى وجهله سكرز میلیون کیلوق صرفیات سنویه بمقابل سكرز یوز یكرمی بريك اوچ یوزسكانیدی لیرا راده سنده برمبلر اولسنه توتون وارداتنك سنوی درت میلیون کیلوق صرفیات سنویه ایله باندروول اصولیله اداره اولندی فی زمان حكومتك سنوی یدى یوز اللى بیک لیرالق بر واردات استحصال ایتدیكى رسماً مثبت بولنسنه بناءً اصول انحصارك ردی و شركتك فسخی حالنده بودجه نك بركونا ضرره اوغرامیه جنى و بالعكس صرفیات سنویه حاضر نك سكرز میلیون کیلوه بالغ بولنسنه نظراً هیچ اولماز ایسه بریحق میلیون لیرالق بر واردات استحصال ایده جكى امور بدیهه دندر .

نتایج اقتصادیه — شركتك فسخی و اصول انحصارك باندرووله تبدیلی اوزرینه تحصیل ایده جك نتایج اقتصادیه یی مظلم كورمك ایچون هیچ بر سبب موجود دكلدر . انحصار بویوندیر یغندن قورتیله جق اولان توتون زراعت و تجارتی مستعد اولدینی درجه ده انكشاف اینككه برابر اهمالات و مبیعات خصوصنده تولد ایتمی ضروری اولان رقابت توتونلرك قیمت حقیقیه سی مثبت بر صورتده تعیین الله زراعتك ثمره مساعینك مستحق اولدینی مكافاتی استیفا ایتمسنه میدان ویره رك لقا قیلفك مهم بر درجه ده تناقصی انتاج ایده جكى مثللو آچیله جق فابریقه لرك هر بری ده بر طرفدن مستهلكرك دها زیاده جلب رغبتی امنیه سیله اعمالاتك نفاستی تأمین جالیشه جق دیگر طرفدن برچوق ایشسر خلقك ایش بولهرق تأمین معیشت و رفاه ایتمسنه سبب اوله جقدر . بویوزدن مملكتده یكى بر حیات صناعت دوغه جق و بوندن هم ثروت مملكت تزايد ایده جك هم بودجه مستفید اوله جقدر . فی الحقیقه شركتك فسختدن حصه دارانك متضرر اولسی وارد خاطر اوله بیلور ایسه ده اولر كندی سرمایه لری ایچون اوتوز سنه ظرفنده یوزده اون بریحق راده سنده بر فاض عظیم استیفا ایتمش بولندقلری كی شمدی ده شركت امواللك فیثات حاضره سنك مترقی بولنسندن طولای حصه لربنه خلیجه مهم برمبلغ اصابت ایده جكندن بویله برمطالعه غیر وارد اولفله برابر یوقاریدن بری سرد ایدیلان اسبابی نظر دفته آله رق آرتق كندی مملكتلرنده بیله تطبیقنه امکان بوله مدقلری بر اصولی بشقه برملك اوزرنده تطبیق ایتمكى ایسته مك كی معناسر بر اصرار حقنی حائز اوله میه جقلری دركارد .

موضوع بحث اولان قوانینك ردندن تحصیل ایده جك وضعیت انتهایه ایسه حكومتك

توتون انحصارین هانکی قانون ایله اداره ایده جکی مسئله سیدر . فی الواقع رژی اصول اداره سنی رد ایدن مجلس عالینک بونک یرینه بشقه بر قانون ایله باندرول اصولی اقامه اتسی لازم کلیر ایسه ده وقتک بویه مهمجه بر ایشی وجوده کتیرمکه عدم مساعده سنه بناء انجمنکزک اکثریتی یکی باندرول قانوننک کله جک دوره اجتماعیه قدر تنظیم و مجلس عالی به تقدیم اولمق اوزره شمذیلک ۱۲۹۰ تاریخلی اسکی توتون رسومی نظامنامه سنک تطبیقنه حکومتک مأذون قلنمسی دوشونمش واولبا بده کی لایحه قانونیه یی مربوطاً تقدیم ایلشدر . بناء علیه بونک مستعجلیت قراریه همان تدقیق و مذاکره سنی تکلیف ایلر .

۱۵ شباط ۱۳۳۲

ادرنه مبعوثی	شام مبعوثی	جانیک مبعوثی	ایچ ایل مبعوثی	سیواس مبعوثی	قرق کلیسا مبعوثی
فائق	حسین مونی	محمد نهاد	محمد امین	رحمی	رضا
				طرزوزن مبعوثی	بول مبعوثی
				سلیمان ثروت	یوسف منیا

توتون ایچون هر هانکی بر اصولک قبول و ترجیحنده قابل تطبیق اولمق اوزره توتون زرعتنه و زراعتک حقوقنه و توتون محصولنک ترقیبسی تسهیل و زراعه معاونت ایفاسنی تأمین ایده جک احکامه و ممنوعاته ودها بعض اساساته دأثر هم زراعتک و همده خزینه ک حقوقی کافل مطلق بر توتون قانونی الزم ایدوکنی بومسئله انجمنده ایلک دفعه موضوع بحث ایدلدیکنده سویلشدم . آرایه مراجعت ایدیلهرک موجود توتون انحصار قانون موقتک تعدیلی اکثریتله قرارلشدیرلمش وحتی تعدیلاته ده باشلامشدی . زراعتی و حقوق زراعی تضییق ورنجیده ایدن موجود انحصار قانون موقتک تعدیل و اصلاحندن صرف نظرله مع تفرعات ردی حالنده الله تطبیق واجرا ایدیلهرک بشقه قانون وحتی نظامنامه بیهه قالمیور . شو حالده حکومت یکیدن قانون و نظامنامه یایمق مجبوریتنده بولنه جقدر . حکومتک یکیدن یاپه جنی وبلکه موقه موقع تطبیق قویمق مجبوریتنده بولنه جنی قانون ویا نظامنامه ایله زراعت و زراعت حقنده وضع ایده جکی احکامی بیلوب آ کلامازدن شو اصول ایله اداره سی خزینه و زراعت حقنده دیگر اصول ایله اداره سندن ده نافع و خیرلی اولدینغی تعیین و ترجیح ایتمک فکرجه قولای دکدر . محرم قرارنامه سنه توفیقاً بالتعذیل تطبیق اکثریت طرفندن حکومته توصیه ایدیلان قرق سنه اولکی دخان رسمی نظامنامه سی بوکون تماماً موقع مرعیتده اولوب اولدینغی و مرعی ایسه شمذی قابلیت تطبیقیه سی بولنوب بولندینغی و زراعتک حقوقی نه درجهیه قدر محافظه وحمایه ایدلدیکنی آ کلامق و یوقاروده عرض ایتدیکم اساساته دأثر محرم قرارنامه سنده نه کی احکام مندرج بولندینغی تدقیق و دخان نظامنامه سیله تطبیق ایدلمک و قانونه ربط اولمق لازمدر . بویه یاپلمینهجه افرادک و زراعتک حقوقنه و جزایه تعلق ایدن ووضعی هیئت تشریعییه مآذ بولنان احکامک نظامنامه ایله بالتعین تطبیق ایچون حکومته مأذونیت و صلاحیت ویرلسنه طرفدار دکم . زراعتک و خزینه ک حقوقنه تعلق اعتباریه پک مهم اولان بومسئله حقنده بر کرده حکومتک مطالعه سنی دیکله مک ایجاب ایدردی ظن ایدیورم . هر حالده اول امرده احکام اساسیه یی جامع بر توتون قانوننک احضاری و تقرر ایده جک شکله کوره تکرار متروک باندروله عودتک می یوقسه هانکی بر اصولک بالخاصه زراعت و خزینه حقنده ده نافع دها خیرلی اوله جضنک بالاطراف تدقیق ایدلمسی رأینده ییم . باندرول لهنده کی بیانات و افادات بالاده عرض ایتدیم اساساته دأثر قانون یاپیلوب تدقیق ایدلدیکه بوبابده اعطای رأی ایچون بنده قناعت حاصل ایتمه مشدر .

طرزوزن مبعوثی

مهرت

زراعه مهم بر منفعت تأمین ایدن و دولته کلی واردات کتیرن توتون محصولنک رژینک سوء اداره سی یوزندن متأثر اولدینی قناعتنده بولمغله برابر رژی قانونلرینک ردندن مقدم یرینه وضع ایدیلجهک اصولک نه کبی قیود و شروطه مستند اولهجنی تعیین ایدلمک و کرک دولتک و کرک اهالینک منافعی تأمین ایچون طرفینک حقوق و وظائفی قانون ایله تثبیت اولمق ایجاب ایدهجکی مطالعه سنده اولدیغمدن اول امرده توتون زراعتنک تابع اولهجنی قیود و شرطی تعیین ایدن انحصار قانوننک مذاکره و تعدیلنه طرفدارم. بو جهت انجمنجهده قبول و انحصار قانوننک تعدیلنه مباشرت اولندینی حالده وقتک طارلقه مبنی انحصار قانوننک ترتیب و تطبیقی حکومته براقیه رقی بوندن قرق سنه اول مرعی اولوب زراع ایله اهالی بیننده کی مناسباتی تعیین ایدهجک احکامی حاوی بولمیان باندروول نظامنامه سنک - نقصان اولان جهتلری حکومتجه اصلاح ایدلمک قیدیله - تطبیقی موافق مصلحت کورمدیکمدن مخالفم.

میتاب مبعوثی

علی جنابی

بومثللو امور مهمه مالیه نک ناظر هاندینک مواجهه سنده مذاکره ایدلمسی انجمنک بوکونه قدر تعقیب ایتدیکی مسلك اقتضاسندن و مالیه ناظر لاحقی دعوت اولندینی حالده حضوری انتظار ایدلمکسزین مضبطه تنظیم و هیئت عمومیه یه تقدیمه مخالفز.

انجمن رئیس

مضبطه محرری

بفداد مبعوثی

حلب مبعوثی

ساسون

حامد

کر بلا مبعوثی

نوری

بومثللو امور مهمه مالیه نک حضوریه مطالعه سنی دیکله دکدن سوکره اهالی ایله خزینه دولته توتونک (باندروول) ویا (انحصار) صورتیه می اداره سی مثبت برقاعت دائره سنده قرار ویرمک اقتضا ایدر. اوقناعت بنده اولمدیغندن بوقراره مخالفم.


عسیره مبعوثی

سید یوسف فضل

موازده مالیه انجمنیه تنظیم قنانه

لایحه قانونیه

- ماده : ۱ شمعی یه قدر رژی اصولیه اداره اولنان توتون انحصاری بعدما باندروول اصولیه اداره اولنور.
- ماده : ۲ باندروول اصولنک صورت اداره سی ایچون ۱۲۹۰ تاریخلی دخان رسمی نظامنامه سی احکامنک محرم قرارنامه سنه توفیقاً بالتعديل تطبیقنه مالیه ناظری مأذوندر.
- ماده : ۳ اشبو قانون تاریخ نشرندن اعتباراً مرعی الاجرادر.
- ماده : ۴ اشبو قانونک اجرای احکامنه داخلیه، مالیه، عدلیه ناظرلری مأورددر.



مجلس مبعوثان

۲۷۲ نومرولو مطبوعه علاوه

اجتماع

۳

۱۳۳۳ - ۱۳۳۲

دوره انتخابیه

۳

دخان انحصارینک تجدید امتیازینه دائر عقیدینه مأذونیت ویریلن مقاوله نامه حقنده
نشر اولان قانون موقته قارشى عثمانى مجلس عمومیسنک وضعیتنه واشبو قانون
قانون موقتک مجلس عمومیجه ردی حالنده حاصل اوله جق نتایج حقوقیه
متدائر رأینامه

وقایع و متون

مقدما اعطا قلنمش اولان فرمان حالى موجبجه ممالك عثمانیه توتونلری مشترک المنفعه
رؤی شرکتنه اعطا اولسان امتیاز ۲ نیشان ۱۳۳۰ و ۱۵ نیشان ۱۹۱۴ تاریخنده
منقضی اوله جفندن حکومت عثمانیه و دون عمومیه واردات مخصوصه اداره سی و شرکت
مذکوره آرمسند ۲۲ تموز ۱۳۲۹ و ۴ آغستوس ۱۹۱۳ تاریخنده رمقاوله عقد اوله رق
امتیاز مزبور شرائط جدیده ایله و ۲ نیشان ۱۳۳۰ تاریخندن اعتباراً اون بش سنه مدت
ایله تجدید ایدلمشدر .

۲۲ تموز ۱۳۲۹ تاریخی قانون موقت

اشبو مقاوله نامه نك عقدی ایچون حکومت سنیه صورتی آتیده عیناً محرر ۲۲ تموز
۱۳۳۹ تاریخی بر قانون موقت معرفتیه استحصال مأذونیت ایلشدر :

متن قانون :

ممالك عثمانیه ده توتون انحصارینک ایشلدلسی امتیازی ۲/۱۰ نیشان ۱۳۳۰ تاریخندن اعتباراً
و تنظیم ایدیلن مقاوله نامه به توفیقاً اون بش سنه مدته ممالك عثمانیه توتونلری مشترک المنفعه
رؤی شرکتنه اعطا ایدلمشدر .

بو قانونک تاریخ نشرندن اعتباراً اجرای احکامنه مالیه ناظرى مأذوندر .
اشبو لایحه قانونیه نك مجلس عمومینک اجتماعنده قانونیتی تکلیف ایدلمک اوزره موقه
موقع اجرایه وضعی و قوانین دولته علاوه سنی اراده ایتدم .

۱ رمضان ۱۳۳۱ ۲۲ تموز ۱۳۲۹

امضای همایون پادشاهی ایله موشح اولان اشبو قانون موقت زیرنده صدر اعظم
ومالیه ناظرینک امضالری موجوددر .

مقاولة نامه يه مربوط اوراق

مقاولة نامه يه انحصار دخان حقنده يکيدن تنظيم قلنش اولان بر قانون لايحه سيله بر نظام نامه لايحه سي و بونلردن بشقه بر پروتوقول مربوطدر .
اشبو پروتوقول ايله اولا مقاولة نامه نك لدی الايجاب فسخی شرائطی، ثانیاً حکومت سنيه شرکتجه اعطا قلنان بر یحق میلیون لیرالق آوانسک شرائطی تعیین قلمشدر .

تعاطى قلنان مخابرات

بالاده مندرج اوراقدن ماعدا مارالذکر قانون موقتک تبلیفی اوزرینه شرکت ايله مالیه نظارتی آرہ سنده تعاطی قلنان مخابراتی ذکرايتمک ايجاب ایدر، اشبو مخابراته ايکيسي شرکت طرفندن نظارته وبری ده مقام نظارتدن شرکتہ ارسال قلنان اوج قطعه مکتوبدن عبارتدر.

۲۳ تموز ۱۳۲۹ تاریخی برنجی مکتوب ايله شرکتک مدیر عموميسي نظارته قارشى بیانات آتیہ ده بولمشددر :

« اثنای مذاکراته و امضالک تعاطیسی هنگامنده دخی مقاولة نامه نك قطعی ولایتیغیر اولسنه عطف ایلدیکم اهمیتی مصرأ بیان و مجلس اداره مزک مقاولة نك عقدینه رضا و موافقتی آنحق بوحال قطعیتہ تعلیق ایلدیکنی ایضاح ایلش ایدم. مسئلہ یی تدقیقه مأمور انجمن وکلاجه وبالذات طرف دولتکزدن شرکتمزک بو آرزو و طلبنک تمامیلہ ایضا و تأمین اولندیفی بیان بیورلمشددر . اشبو بیاناتی سند اتخاذا ایدرک مقاولة یه متعلق اراده سنيه ده بوبابده کی قانون لايحه سی مجلس عمومینک تصدیقته تکلیف اوله جنی حقنده کی اشارتی اصول و مراسم مرعیه طأد بر معامله دن عبارت تلقی ایدر و بناء علیہ مذکور اشارتی ، شرکتله بلاقید و شرط ولایتیغیر اوله رق تعاطی ایدلش اولان مقاولة نامه ايله مربوط پروتوقولک قطعی لازم الاجرا اولسنی اصلاً تعدیل و تخفیف ایدہ جک بر ماهیتده دکل عد ایدرم . مجلس اداره مه قارشى اولان مسئولیت چا کرانه می نظر اعتباره آلهرق مقاولة نامه ايله پروتوقوله کی تعهداتک قطعیتی خصوصنده حکومت سنيه نك متفق بولندیفی لطفأ تأیید بیوردیفکمز تقدیرده متدار اوله جفی عرض ایلرم . »

اشبو مکتوبه جواباً ۲۵ تموز ۱۳۲۹ تاریخی مالیه ناظرینک مکتوبنده :

« توتون انحصارینک ۲ نisan ۱۳۳۰ تاریخندن اعتباراً اون بش سنه مدتلہ شرکتکمزہ اعطاسی حقنده بالائتلاف تنظیم اولنوب ۲۲ تموز ۱۳۲۹ تاریخی قانون موقت موجبجه تعاطی اولنان مقاولة نامه ايله بونک فسخی حالنده اوله جق معامله یه و بر یحق میلیون لیرالق آوانسک شرائطنه دائر اوله رق تعاطی قلنان دیگر مقاولة نامه حکومتک نظرندہ قطعیدر . »
افاده سی محرردر .

نظارتمک بو مکتوبنه شرکت ۳۱ تموز ۱۳۲۹ تاریخی مکتوبیلہ :

« متقدم ۲۳ تموز ۱۳۲۹ تاریخی تذکره من مندرجاتی تأییدلیدن اشبو اشعار جوابیلری اداره مزجه سند اتخاذا ایدلش و بناء علیہ ۴ آغستوس ۱۹۱۳ تاریخی مقاولة نامه نك تصدیق طلی »

پادشاهی به صورت اقتراعی مذکور مقاوله نامه و مربوط و توقول موجب نه ماقدين طرفندن در عهده ايديلن تمهداتك قطعی ولايتغير حکمی هیچ بروجهله تغير ايلييه مديکی تا کيد بيوريله رق بوخصوصده شرکتمزله حکومتك متفق بولندينی تکرار و صراحة آکلاشلمشدر . يولنده جواب ويرمشدر .

نظارت شرکتك بوايکنجی مکتوبه مقابله ایتماشدر .

حال حاضر

مجلس مبعوثان عثمانينك ۱۳۳۰ سنه سی ایچنده واقع اجتماع فوق العاده سنده حکومت سنیه طرفندن توديع قلنان سالف الذکر ۲۲ تموز ۱۳۲۹ تاريخلی قانون موقت زراعت انجمننه لدی الحواله اشبو انجمن ۲۸ کانون اول ۱۳۳۱ تاريخلی مضبطه سیله قانون موقت مذکورک ردینه متفقاً قرار ويرمش وبالاخره تعلق حسیله موازنه مالیه انجمننه توديع قلنديغندن کیفیت اليوم اوراجه دردست تدقیق بولونمشدر .

درمیان اولنان سئوالار

موضوع بحث اولان قانون موقتك مجلس عمومیه ردی احتمالی بالملاحظه بروجه آتی بیان اولنان سئواللرك تدقیق مقتضی بولنمشدر :

- (۱) قانون موقتك ماهیتی ومجلس عمومینك قوانین موقته قارشى اولان وضعیتی نه در؟
 - (۲) دخان انحصاری امتیازینك تجدیدینه متدائر اولان قانون موقتى رده مجلس عمومینك صلاحیتی وارمیدر ؟
 - (۳) رد حالنده صاحب امتیاز اولان شرکته دولت عثمانیه تضمینات اعطاسنه مجبورمیدر؟
 - (۴) عین تقدیرده شرکک امواللك تصفییه سی هانکی اساسه بناء اجرا قلنمق اقتضایدر؟
- بالاده تعداد اولنان سئواللرك تدقیق زیرده واضع الامضا دعوی وکیللرینه توديع قلنمش اولدیغندن بروجه زیر بیان رأى ومطالعه اولنور :

قانون موقتك تعریفی ومجلس عمومینك وضعیتی

- (۱) قوانین عثمانیه موجب نه (قانون اساسینك ۳۶ و ۱۰۱ نجی ماده لری) قانون موقت قوه اجرائیه دن صادر اولان بر امرنامه درکه احوال فوق العاده ده ومجلس عمومینك غیابنده بر قانونی استلزام ایدن برقراری محتوی اولوب مجلس عمومینك اجتماعى عقیننده لاجل التصدیق مجلس مزبوره تقدیمی ایجاب ایدر .
- قانون موقت ، نشری عقیننده بالجله تأثیرات حقوقیه سنی اجرا ایدر. قانون موقت ، مقامنه قائم اولدینی قانون مثللو کرک دولت وکرک تعلق ایتدیکی هر شخص حقنده تولید حقوق وظائف ایلر . مع هذا عدم استقرار قانون موقتك اوصاف اصلیه سندندر . یعنی قانون موقت ، موضوعی تشکیل ایدن ماده حقنده مجلس عمومینك حاکمانه وبلا قید و شرط اعطای قرار ایلکده کی صلاحیتنه ایراث خلل ایده مز . مجلس عمومی بر قانون موقتك ردینه قرار ويرنجه اشبو قانون موقتك تأثیرات حقوقیه سی ماضی ایچون تام

اوله رق قالمقله برابر آتی ایچون کاملاً زائل ومرتفع اولور ، اگر رد اولنان قانون موقتک موضوعی حکومتک ولایت عامه سنه داخل برقرار ایسه اشبو قرار مجلس عمومینک ردی متضمن حکمی تاریخندن اعتباراً تعلق ایتدیکی شخصلر حقنده مجبوری الایفا اوله ماز . اگر اشبو قانون موقتک موضوعی ، دولت ایله افراد آره سنده بر مقاوله عقدینه دأثر ایسه اشبو مقاوله نامه مجلس عمومینک ردی محتوی قراری تاریخندن اعتباراً معدوم حکمنده در . اگر قانون موقتک مقصد تنظیمی دولت بودجه سنندن بر مصرفک اجرایی ایسه ردی تاریخنده هنوز صرف اولونیمان تخصیصات ابطال ایدلش عد اولنور . قانون اساسینک قانون موقتک حقنده کی احکامی صور مبحوئه دأثره سنده تفسیری ایجاب ایتدیکی کبی مجلس عمومینک اجتهداتی دخی بومر کرده بولونمشدر .

(۲) دخان انحصاری امتیارینک تجدیدی حقنده قوه اجراییه جه نشر اولنان قانون موقت کرک اساس و کرک شکل اعتباریله قانون اساسیده موضوع بحث ایدیلن قانون موقتلردن بشقه برشی دکلدز . فی الحقیقه اولاً : اشبو قانون موقتک موضوعی منافع عمومییه عأد امتیازک صورت اعطاسنه دأثر اولان ۱۰ حزیران ۱۳۲۶ تاریخی قانونک برنجی ماده سی موجبجه قانون شکلنده اعطاسی لازم کلن بر قراردن عبارتدر . ثانیاً : مذکور قانون موقت دولت عثمانیه نك منافع مهمه سنو وقایه واحوال فوق العاده ده موقع اجراییه وضع اولونمشدر . ثالثاً : اشبو قانون موقتک فقره مخصوصه سنده صورت موقده ده موقع اجرا و تطبیقه وضع اولوندینی تصریح ایدلشدر . رابعاً : صورت قطعیه ده اکتساب قانونیت ایتمی ایچون مجلس عمومینک تصدیقنه عرض ایدیله جکی ده آریجه ذکر اولونمشدر . بناء علیه مجلس عمومینک اشبو قانون اوزرنده کی حقوقی علی العموم قوانین موقته اوزرنده کی حقوقک عینی اولمق ضروریدر . واقعا مقاوله نامه نك برنجی ماده سننده « اراده سنیه نك شرف تعلقیله مقاوله نامه نك کسب قطعیت ایتدیکی » بیان ایدلش اولدینی کبی رژبنک ۲۳ تموز ۱۳۲۹ تاریخی بالاده محرر مکتوبنده ده ، شرکتک مقاوله نامه یه و پروتوقوله رضاسی اشبو اوراقک قطعی ولایتغیر اولسنه معلق ایدوکی مندرج بولونمش و مالیه ناظری دخی ۲۵ تموز ۱۳۲۹ تاریخی جوابی مکتوبنده حکومت نظرنده اوراق مذکور نك قطعی اولدینی بیلدیرلشدر . حال بوکه کرک مقاوله نامه نك سالف الیای احکامی و کرک شرکت ایله مالیه ناظری آره سنده جریان ایدن محابرات مبحوئه مجلس عمومینک حقوق حاکمانه سنه اصلاً اراث خلل ایده جک ماهیتده دکلدز . اشبو حقوق ۱۰ حزیران ۱۳۲۶ تاریخی قانون مبحث عنه ایله قانون اساسیده صراحة کوسترلش اولدیقندن حکومتک ویا معادلرینک صریح بر افاده و قرارلریله دخی بر طرف ایدیله مز . بنابرین مجلس عمومی دخان انحصارینک امتیازینه دأثر نشر اولنان قانون موقتی استقلال تام دأثره سنده تقدیر و تدقیق حقنه مالکدر . ۱۳۲۹ سنه سی تموزنده تعاطی اولنان بیانات اساساً حأثر تأثیر اولیوب مجلس عمومی دیلر سه بونلری قاله آلیر . فقط احوال مذکورده مجلس عمومینک وضعیت حقوقیه سنه بر تأثیر اجرا ایده مز .

قانون موقتك مجلس عموميجہ ردی حالندہ دولت عثمانیہ طرفندن تضمینات اعطاسی مجبوریمیدر ؟

۳) بوبابده بر مسئله متقدمه نك حلی ایجاب ایدر .
مقاله نامه نك فسخنه دأر اولان ۲۲ تموز ۱۳۲۹ تاریخنده کی پروتوقوله محرر بولنان احکام قانون موقتك ردندن طولای امتیازك فسخی حالندہ قابل تطبیقیمیدر ؟ اشبو سؤاله منفیاً جواب ویرمك ایجاب ایدر .

فی الحقیقه : شرکته بعض مجبوریتلرک تحمیلی مبین اولان و شرکت اموالک صورت تصفیہ سیله شرکته ویریله جک تضمیناتی محتوی بولنان احکام مذکورہ منحصرأ مجلس عمومینک برمدت معینہ ظرفندہ دخان انحصاری قانونه دأر اعطاسی قرار ایتدیکی و برده اشبو قانون لایحه سنه مجلس عموميجہ شرکتك قبول ایدہ میه جکی تعدیلاتك اجرا اولندی شقاری حقندہ موضوعدر . حال بوکه بوکی احکام مخصوصه نك ماضع لهرلینک غیری احواله اشمال ایدله میه جکی احکام اساسیه دندر . ثانیاً احکام مبحوثه نك موقع تطبیقه وضعی پروتوقولك افادات صریحه سنه کوره شرکتك قرارینه معلقدر . یعنی شرکت شقین مذکور تینک هر برنده دیلر سه پروتوقوله محرر شرائط دأرہ سنده امتیازك فسخی طلب ایلر و دیلر سه مرعی اولان قانونه توفیقاً انحصاری کماکان اداره یه دوام ایدر . حال بوکه قانون موقتك ردی یعنی انحصارک ابطالی حالندہ آنفاً محرر عین احکامی تطبیق ایتک ، بولنری شرکت حقندہ مجبوری قیلمق دیمکدر . بو ایسه پروتوقولك لفظ و عبارہ سنه و روح و معناسنه قطعياً مخافدر .

فضله اوله رق شوراسی ده علاوه اوله بیلیر که شرکتك مالیه نظارتنه ابلاغ ایتدیکی مارالذکر مکتوبلر ده مندرج تمییراته کوره شرکت هر نصلسه یا کلش اوله رق قانون موقتك قابل رد اولدیغی تأمل ایتماش وشو تقدیرده طرفینک مقصد مشترکی مقاله نامه نك ردندن تولد ایدہ بیله جک مسائل مختلفه یی مشترکاً تنظیم ایداش بر پروتوقول احکامیه حل ایتک مسورتندہ تجلی ایتسنه امکان قالماشدر .

قواعد عمومیہ حقوقیه نك تطبیق

۲۲ تموز ۱۳۲۹ تاریخلی قانون موقتك ردی حالندہ تحدت ایدہ جک تضمینات مسئله سنی حل ایدہ بیلیمک ایچون قابل تطبیق بر متن مخصوص موجود اولدیغندن بو بابده قواعد عمومیہ حقوقیه یه مراجعت ایتک ضرور بدر .

شمذیلک شرکت ایلہ مالیه ناظری بیننده کی مخابرات معلومه بر طرف ایدلیدی حالده قواعد عمومیہ حقوقیه دن نتایج آتیہ استخراج اوله بیلیر :

حکومت سنیه دخان انحصاری امتیازینک تجدیدی ایچون شرکته بر مقاله عقد ایلشدر . اشبو مقاله نامه یی عقد ایتمکله حکومت شرکته قارشى دولت عثمانیه نك مسئولیتى تعهد ایتشدر . بو دیمک اولور که حکومت سنیه دولت عثمانیه یی شرکته قارشى دخان انحصاری امتیازینک اون بش سنه مدت ظرفندہ شرکته ادامه سنی متضمن بروجیه یی اجرا ایلہ مجبور و مکلف قیلمشدر .

اگر حکومت سنیہ ایله شرکت آره سنده تعاطی قلنان اوراق مقاوله نامه ایله مربوطی اولان اوراقدن عبارت بولومش اولسه ایدی دولت عثمانیه به تحمیل اولنان آنف الذکر مجبوری و مکلفیت مطلق و قطعی اوله جق و بناءً علیه دولت عثمانیه حسابنه در عهده اولنان بو وجیهه نك حتی قانونه توفیقاً رفع و ابطالی حالده دخی دولت عثمانیه شرکتك متحمل اوله جنی هر نوع ضرر و زیانی شرکتك تأدیه ایله مجبور بولنه جق ایدی .

فقط حکومت سنیہ شرکتك تجدید امتیاز شرائطی محتوی مقاوله نامه و مربوطاتی تبلیغ ایتمکله برابر اشبو مقاوله نامه نك موقع تطبیقه وضعی کیفیتك موقت اولدیفنی و بونك مجلس عمومینك نظر تصویبنه عرض اوله جنی محتوی بر قانون موقتی ده عین زمانده شرکتك تبلیغ ایتمشدر .

بوصورتله دولت عثمانیه نك تعهد قطعیمی اشبو قانون موقتك مجلس عمومیجه تصدیق کیفیتنه معلق طوتلشدر .

ایمدی حکومت سنیہ امتیاز حقنده مجلس عمومیدن برقرار صادر اولمازدن اول کندیلکنندن امتیازی شرکت عهده سندن نزعه قیام ایتدیکی حالده دولت عثمانیه نك مسئولیتی محقق اوله جنی کبی بو نزاع کیفیتی ۲۲ تموز ۱۳۲۹ تاریخلی قانون موقتك تصدیقندن سکره واقع اولدیفنی حالده دخی دولت عثمانیه نك عین صورتله مسئولیتی جای شبهه دلددر .

فقط اشبو قانون موقتك مجلس عمومیجه ردی حالده دولت عثمانیه مسئول اولوق لازم کلیرمی ؟

خیر . چونکه مجلس عمومینك حق حکمی مقاوله نامه نك تبلیغی آننده تماماً محفوظ طوتلشدر ، و چونکه قانون موقتی عین زمانده تبلیغ ایتدیکنی قبول و اعتراف ایدن شرکتك مقاوله نامه نك قابل فسخ اولدیفنی بیلدیکی ادعاسی در میان ایتمک صلاحیتی اوله ماز . بیان اولنان اوج شقندن ایکی اوللکینسده مدیونك خطاسی ظاهر اوجنی شقده ایسه مدیونه اسناد خطایه امکان حقوقی مفقوددر .

تعاطی قلنان مخبراتك تأثیراتی

قالدی که بالاده مذکور مخبرات معلومه نك الحاله هذه مطالعه ایدلکده اولان نقطه نظردن تدقیق ایجاب ایدر . بوتدقیقات ایسه مسئله آتیته نك حلیله توضیح ایدیه جکدر :
۲۲ تموز ۱۳۲۹ تاریخلی قانون موقتك تبلیغی عقینده تعاطی ایدیلن بیانات مذکور قانون موقتك صراحتنه رغماً دولت عثمانیه نك مسئولیتی صورت قطعیه ده تحت تعهد آلدیرمشمیدر ؟

اول امرده رژیمك ۲۳ تموز ۱۳۲۹ تاریخلی مکتوبنك تدقیقنده مندرجاتك متناقض بولوندیفنی مشاهده ایدیلور : فی الحقیقه رژیم مدیر عمومی بو مکتوبنده ، بر طرفدن مقاوله نامه نك لاجل التصدیق مجلس عمومی به تودیفنك اصول و مراسم سرعیه به تأید بر معامله دن عبارت اولدیفنی بیان ایدرکن دیگر طرفدن اشبو مقاوله نامه نك لایتغیر و قطعی اولان ماهیتك بوجهتدن اخلاص ایدلاماسی لزومی در میان ایدیور .

حال بوکه اشبو اصول و مراسمك موجودیتی قبول ایتمک عین زمانده مقاوله نامه نك

عدم استقرارینی و دولت عثمانیه نك دخان انحصاری امتیازندن طولای آنجق بر قانون ایله تمهد قطعیده بولنه بیله جگنی قبول و اعتراف ایلکدر . بوايه مقاوله نامه نك لايتغير و قطعی اولدینه دائر سرد ایدیلن بیاناتك حقوقاً برکونا قیمت و اهمیتي حائز اولدینغی اثباته کافیدر . اکر رژی مدیر عمومینسك مقصدی مجلس عمومینك بو خصوصده کی صلاحیتك نفوذ و تأثیردن محروم اولدینغی ادعا ایتك ایسه بو مقصدك بر ادماي حقوقیه اساس تشکیل ایدمه یه جکی بدیهیدر . شرکتك اشبو مکتوبنه جواباً نظارت مقاوله و پروتوقولك حکومت نظرندۀ قطعی عد ایدلديکني بیلدیر مشدر . نظارت اشبو بیاناتی ایله دولت عثمانیه یی تمهد آلتنه قويمشیدر ؟

بونی مدافعه ایتك قابل دکلدر .

فی الحقیقه قانون موقتی شرکتۀ تبلیغ ایدرکن حکومت سنیه دولت عثمانیه نك تمهد آلتنه کیرمسی ایچون بر قانون نشری ایجاب ایندیکنی شرکتۀ آجیقجه آکلامشدی . بوحالده ناظرک بیانات مبحثیه سی آنجق شو تأثیری اجرا ایدر : ناظری و اعضاسندن بولندینی حکومتی ، مجلس عمومی حضورنده بوتون قوت و نفوذ لریله اشبو قانون موقتی مدافعه یه اجبار ایتك . فقط نظارتك بویانات ایله امضای هایون ایله موشح اولان قانون موقتی ابطال صدندۀ بولوندینغی ادعا ایتك مستحیلدر .

نظارت بویله بر مقصد تعقیب ایتش اولسه یدی اشبو قانون موقتی عین قیمت و قوتده بر قرار ایله استرداد ایتسی لازم کلیردی . بو ایسه واقع اولما مشدر .

بناءً علیه قانون موقتك نشری متعاقب تعاطی ایدیلن مخبرات یوقاروده عرض ایدیلن مطالعه یی تبدیل و تعدیل ایدمه جك ماهیتده دکلدر . یعنی دولت عثمانیه مجلس عمومی طرفندن ۲۲ تموز ۱۳۲۹ تاریخلی قانون موقت رد ایدلديکی تقدیرده تضمینات اعطاسیله مکلف دکلدر . بونتیجه صرف حقوق قواعدی اوزرینه مؤسس اولدینغی کبی تعلق ایندیکی مسئله نك تدقیقه مأمور اوله جق بر محکمه نزدنده ده نتیجه مذکورۀ نك قبول و تصویبه اقتراي اقوای احتمالاتندر .

حکمر جانبدن اعطا اولنه بیله جك قرار

فقط عین مسئله نك حلی طرفینجه حکمرۀ تودیی و قوعوبولدینی حالده حکمرک علی العاده پك بویوک اهمیت عطف ایدلکری حقانیت ملاحظاتی و اسباب فعلیه تأثیراتی آنلری نتیجه مذکورۀ دن فرقی قرار اتخاذه سوق ایدمه بیلمسی ممکناتندر .

بو خصوصده حکمر قوانین قوانین موقتۀ بحثندۀ مجلس عمومینك حائز اولدینغی صلاحیت و حق مداخله نك بوتون اهمیتي ادراک و احاطه ایتدیکندن طولای رژی یی غلطی عدايتکله برابر مقاوله نامه نك حسن نیت کامله ایله قطعیت و لايتغيريته ذاهب اولان و بو ذهابنه بناءً حکومت سنیه یه بر بچق میلیون لیرا اقراضی تمهد و اجرا ایدن شرکتك امتیازك فسختدن حاصل اوله جق ضرره دوچار اولسنی حقانیت و عدالته مغایر عد ایدمه بیلرلر .

شرکتك طلبی ایله مقاوله نامه نك فسخی تقدیرنده پروتوقول موجبنه شرکتك لهنده بر تضمینات محرر اولدینندن اشبو فسخ معامله سنك پروتوقوله معین اسبابدن بشقه بر سبیدن طولای مجبوراً اجراسی حالنده ده شرکتۀ بر تضمینات اعطاسی حکمر موافق منطق کوره بیلرلر .

تضمیناتك کیفیت تعییننده حکملاک قوانین عثمانیه یعنی اصول محاکمه حقوقیه به استناد ایجاری ایجاب ایده جکدر . زیراتجیدید مقاوله نامه سی عثمانلی مملکتنده وقوانین عثمانیه نك تحت حاکمیت ونفوذنده عقد ایدلمشدر . دیگر طرفدن اشبو مقاوله نامه نك ممضیسی اولان شرکت تابعیت عثمانیه بی حائزدر .

اصول محاکمه حقوقیه قانونی (ماده ۱۰۹ ، ۱۱۰) قوانین اجنیه نك عمومندن فرقی اوله رق برتمهدك عدم اجراسی حالنده ایفاسی ایجاب ایدن تضمیناتك اشبو عدم اجرا کیفیتندن طولانی داینك ، طوغریدن طوغرییه ایتمش اولدینی مقدار معروف ضرر وزیاندن عبارت اولدینی کوسترمکده در .

داینك فضله اوله رق محروم اولدینی کار وتمتمه کلنجه قانون بونی آنجق عدم اجرا کیفیتنك طرف مدیوندن برحیله ودسیسه به مستند اولمسنك ثبوتی شقنه تطبیق ایتمکده در . امتیازك فسخی حالنده برحیله نك موجودیتی موضوع بحث اوله میه جفتندن شرکته حکملا طرفندن تحت قراره آله بیلمسی ملحوظ اولان تضمینات ، آنجق شرکته اشبو فسخ کیفیتندن طوغریدن طوغرییه دوچار اولدینی مقدار معروف ضرر وزیاندن عبارت اولق لازم کلیر .

فقط شوراسی شایان قید وعلاوه درکه ینه حقانیت ملاحظه سنه مستنداً حکملا امتیازك فسخی حالنده شرکته تابع اوله جنی تصفیه معامله سنك احوال حاضره الجاسیله شرکته ضرر وزیانی بالغاً مابلغ استحصال ایده جك صورتده منافع تأمین ایلدیکی تقدیرده هر نوع تضمینات اعطاسنی حکمدن استنکاف ایده جکلری قویاً محتملدر .

قانون موقتك ردی حالنده شرکت اموال نك تصفیه سی ایچون تطبیق

لازم کلن اساسات

۴) مجلس عمومی ۲۲ تموز ۱۳۲۹ تاریخلی قانون موقتی رد ایتدیکی تقدیرده اموال شرکته معامله تصفیه به تابع طوتملی ایجاب ایده جکدر .

اشبو معامله تصفیه به ۲۲ تموز ۱۳۲۹ تاریخلی مقاوله نامه نك طقوزنجی ماده سی احکامی قابل تطبیق دکلدر . زیرا احکام مذکور مقاوله نامه ده کوستریلین مدت یعنی اون بش سنه ظرفنده امتیازك شرکت عهد سننده قلمسی حالته معطوفدر . کذلک بالاده کوسترلیدیکی وجهله شرکته طلبی اوزرینه مقاوله نامه نك فسخنه دائر اوله رق پروتوقوله محرر احکام دخی بوبابده تطبیق ایدیله مر .

شو حالده اسکی شرطنامه نك معاملات تصفیه دن باحث اونجی ماده سی احکامنه مراجعت ایتمک اقتضا ایدر . شوراسی شایان دقتدرکه سالف الذکر اونجی ماده حکمی شرطنامه مذکورک مرعی بولوندینی اوتوز سنه نك انقضاسندن صکره شرکتهجه اکتساب ایدلمش اولان اموال حقنده جاری اوله ماز .

بناء علیه اموال شرکته تصفیه سی ایچون بروجه آتی ایکی اساسك قبولی ضروریدر :
اولا : برنجی امتیازك انقضاسی تاریخنده موجود اولوب حالاً شرکته یدتصرفنده بولنان توتون وسائر اموال شرطنامه نك اونجی ماده سی موجبجه تصفیه ایدیله جکدر .

ثامناً : تاريخ مذکور دن سکره شرکتک اکتساب ایتدیکی توتون وسائر اموال قواعد عمومیة حقوقیه موجبجه تصفیة اولنقی لازم کله جکدر .

شرطنامه نك اونجی ماده سی موجبجه حکومت سنیة شرکتک تحت تصرفنده بولنان اموال غیرمنقولہ و ماکنه لرله توتونی ساتون آلفه حائز صلاحیتدر . بو خصوصده فیثات یا تراضی طرفین ایله و یا خود انتخاب ایدیله جک اوج مخن معرفتیه تقرر ایدہ جکدر . طرفین برر مخن انتخاب ایدہ جکی کبی اوجنجه یی ده حکومت سنیة ایله شرکت آره لرندہ حاصل اوله جق اتفاق ایله تمین ایدہ جکدر .

توتونک بهاسی مستثنا طو تلیق اوزره آنف الذکر مخنلر معرفتیه اشیای مذکورہ یه تقدیر اولنان فیثات اوزرندن یوزده اون تنزیل ایدیله جکدر . تأدیہ تقسیطلری شرکت ایله حکومت سنیة جانبندن بالاتفاق قرارلشدیریله جقدر .

ینہ عین ماده موجبجه حکومت سنیة اموال مذکورہ یی ساتون آلمدینی تقدیرده شرکت بونلر اوزرندہ ایستدیکی صورتده تصرف ایدہ جک ایسه ده توتونلری ہمہ حال اخراجات ایچون فروخت مجبوریتندہ بولنه جقدر .

بورادہ بر مسئلہ تحدت ایتمکده در :

حکومتک اشترای ایدہ جکی اموالک قیمتی تقدیر ایچون هانکی زمانک اساس اتخاذا

ایجاب ایلر ؟

برنجی امتیازک منقضی اولدینی تاریخی ، یوقسه بونلرک اشترای اولدینی تاریخی ؟

یکی امتیازک فسخیلہ طرفین شرطنامه نك اونجی ماده سی حکمنک قابل تطبیق اولدینی اموالک تصفیہ سی نقطہ نظرندن برنجی امتیازک تاریخ انقضاسندہ کی وضعیته قائم اولملری ایجاب ایدر .

اشبو اموالک قیمتلری اوزماندن بری بالطبع تبدل ایتمشدر . اشبو قیمتلرک تنزیل تقدیرندہ ، شرکت تصفیہ معاملاتنک وقت وزمانیلہ ایفا ایدیلوب تأخرندن طولای فیثاتلرک تنزیلہ دها دون بر مبلغ الہ کچه جکندن حقیلہ شکایت ایدہ بیلہ جکدی . متقابلاً فیثاتلردہ وقوع بولہ جق ترفعندن شرکتکده استفاده ایتماسی لوازم معدلتدندر .

دیمک اولیورک اموال مذکورہ نك ۲ نیسان ۱۳۳۰ تاریخندہ کی قیمتی حکومت سنیة جانبندن شرکته بالاتفاق تعیین ایدیله جک تقسیطلردہ تسوبہ قلمسی لازمدر . مع مافیہ قاعدۀ عدل وحقہ توفیقاً تصفیہ معاملہ سندہ کی تأخرندن طولای حکومت سنیة نك ایام متأخرہ فائضلری تسوبہ ایلمسی ایجاب ایلر .

شرکتک ۲ نیسان ۱۳۳۰ تاریخندن سوکرہ یدتصرفنه کچیردیکی توتون وسائر اموالہ کلنجه بونلرک قواعد عمومیة حقوقیه موجبجه تصفیہ ایدلسی مقتضیدر .

اشبو قواعد عمومیہ دن بر قسمی حقوق خصوصیه دن مستنبط اولوب هرکسک تحت تصرفندہ بولنان اموالی کیف مایشاء تصرف ایدہ بیلہ جکنی آمردر . دیکر قسمی ایسه حقوق عمومیہ دن مستخرج اولوب بردولت امتیازینک موضوعی تشکیل ایدن و یا امتیازک تطبیق واجراسنه طوغریدن طوغری به خادم اولان اموال و اشیا حقندہ افرادک تصرف مطلق دستوری دولت لهنده تحدید و تقیید ایله دولته قیمت حقیقیه لرینی بروجه پیشین تأدیہ ایتمک شرطیلہ اموال و اشیا مذکورہ یی اشترای حقیقی بخش ایدر .

بوتهديرده دولت برنجی امتيازك ختام مدتندن صكره شركتجه اكتساب ايديلن
توتون و اموال سائرہ بي رضای طرفين ايله و يا خود مخنلر واسطه سيله تعين ايديله جك فيثاته
كوره اشترا ايتك صلاحيتنى حائز اوله جقدر . آنجق اشبو اشتراكيتنى پيشين پاره ايله
ومذكور توتون و اشباي سائرہ نك زمان اشتراده كي قيمت ليله اجرا ايدلك لازمدر .

نتیجه

اولا قانون موقت حقنده مجلس عمومينك برحق تقدير مطلقى وارددر . مجلس عموميجه
رد اولنان برقانون موقتك تأثيراتى ماضى ايجون تام اوله رق قالير . آتى ايجون مجلس
عمومينك قرارى تاريخندن اعتباراً زائل اولور .

ثانياً على الخصوص دخان انحصارينك تجديدى حقنده تنظيم قلنان مقاوله نامه نك تعاطيسنه
مأذونيتى حاوى ۲۲ تموز ۱۳۲۹ تاريخلى قانون قانون موقتى رده مجلس عمومينك حقى وارددر .
ثالثاً حقوق نقطه نظرندن دولت عثمانيه مذكور قانون موقت ردى حالنده تضمينات
اعطاسنه مجبور دكلدر .

رابعاً اشبو رد حالنده شركتك مالك اولدينى توتون مسقفات و ماكنه لرك نصفيه سى
اموال مذكورہ نك ۲۷ مائس ۱۸۸۳ تاريخلى شرطنامه نك موضوعى تشكيل ايليان امتيازك
زمان انقصاصنده موجود بولنديقنه و يا زمان مذكور دن صكره اكتساب ايدلديكنه كوره
اشبو شرطنامه نك اونجى ماده سى احكامنه و يا قواعد عموميه حقوقيه يه توفيقاً اجرا اولمليدر .
• شباط ۱۳۳۲


حلاچيان نجم الدين

توتون معاملانك تدقيق ضمنتده

جانيك مبعوثي نائل بك افندي حضرتلرينك تحت رياستنده اوله رق

ماليه نظارت جليله--نده متشكل قوميسيونك

نتيجه مذاكراتي حاوي تنظيم ايلديكي راپوردر



درستارت



ديون عموميۀ عثمانيه واردات مخصصه اداره مركزيه شي مطبعه سنده طبع اولنشدو

نه

۱۳۶۶

توتونو معامدونك ترقیقو ضمنندره جابك بهوتی نائل بك افندیك تحت ریا قنده اولاره
ماله نظارت جلد سنده مشكل قریبسونك نتیجه مذاکرانی هادی
تنظیم ایلدیگی راجردر

اشبو قومیسین بروجہ آتی ذواتدن تشکل اینشدر : [حروف ہجائی اوزرہ]

آسلان افندی : دیون عمومیہ ادارہ سی مفتش عمومیہ

حامد بك : ديون عموميه و ماملات نقديه مديري

عبدالرحمن بك : اصلاحات ماليه قوميسيوني اعضاسندن

عبداء بك : شورای دولت اعضاسندن

فائق نزہت بك : واردات عمومیه مدیری

قسطنطین افندی : شورای دولت اعضا شدند

م. یو. م. ری : دیون عمومیه اداره سی عمومی قونترولوری

ويتاليس افدى : اصلاحات ماليه قوميسيوني اعضاسمندن

رپور صورتی

توتون انحصاری معاملاتنک زراع واهالینک و خزینة حکومتک منافعه موافق بر صورت افرای
اساسلرینک مذا کره و تدقیق طرف عالی نظارتیناهیلرندن امر و تبلیغ بیورلمسیله وقوع بولان دعوت اوزرینه
سلانیک ، پروزه ، درامه ، طربزون ، بافره ، صامسون ، از میر تجار وزراعی طرفندن مرخص اوله رق انزام
قلنان ذواتده حاضر بولسیدی حالده دائره نظارتده بالاجتماع توتون رسوم و معاملات ایچون ممالک عثمانیهده
رژینک ختام مدت امتیازیه سندن صوکره تطبیق نافع و مفید اوله جق شکل اداره نک تعینی ضمننده عریض
و عمیق تدقیقات و تبعات اجرا ایدلای .

مرخصین .ومی الهم رژینک مملکت مزده توتون امورینی ید انحصارینه آیدینی کوندنبرو توتون زراعت
و تجارتی کبی حیات اقتصادیمزک ایکی عضو مهمی اوزرنده تطبیق ایدیکی مسلک حرکت ایله یکریمی بش سنه دنبرو
توتون تجار وزراعی طرفندن رفم اولنان آواز اشتکائی تولید ایدن تحدیدات و تضییقات و شمدیدن صوکره
تطبیقنده مملکت و حکومت ایچون منفعت کوردکاری اداره و معاملات حقنده اشتغالات ذاتیه و تجارب عملیه
مستند مطالعه لرینی وقوع بولان تکلیف اوزرینه اعطا ایدلکاری رپورلرده بیان ایلمش و انشای مباحثاتده بالجله
نقاط مجهوله و مستوره نی شفاهاً دخی توضیح و تنویر ایتشلردر .

بعده قومیسونمز مذا کراته بالابتدار :

اولا — ۱۳۲۶ سنه سی بودجه انجمننک مضبوطه سی .

ثانیاً — توتون رژیمی دیرکتوری طرفندن دیون عمومیه مجلس اداره سی ریاسته اعطا اولان مخره نی .

ثالثاً — دیون عمومیه مجلس اداره رژیمی طرفندن نظارت جلیله لرینه تقدیم اولنان مخره نی .

رابعاً — بر لوندره مؤسسه مالیه سی نامنه ۱۳۲۵ سنه سی اغستوسنده محمد حامد بک طرفندن تقدیم ایدیلوب
توتون انحصاری حقنده یکی بر تکلیفی متضمن بولان پروژیه نی برای تدقیق محمود اسمع بک ریاستی التنده
تشکیل قلنمش اولان قومیسونک رپورینی .

خامساً — سلانیک توتون تاجرلرینک مرخصی کاتب زاده صبری بک ایله سپروز توتون تاجرینک مرخصی
اووادیا آزادی افندینک رپورینی .

سادساً — اسکچه توتون تاجرلرینک مرخصی دخان تجارندن پورتقال اوغلی افندینک رپورینی .

سابعاً — از میر توتون تجاری نامنه مرخص سروپه داویدیان افندینک رپورینی .

ثامناً — صامسون و بافره توتون تاجرلرینک مرخصلری محمد شکری ، استلیانوس و عمر لطفی افندیلرک
رپورینی .

تاسعاً — از میت توتون تاجرلری طرفندن مرخص شاشقه افندینک رپورینی .

عاشراً — از میت زراعی مرخصی حاجی کرقرور افندینک رپورینی .

تدقیق ایلمش واشبو مخره و رپورلردن برنجیسی ، دردنجیسی ، التجیسی ، یدنجیسی ، و سکزنجیسنده

باندرول اصولنك قبول وتطبیق موافق اوله جنى مطالعه سى درمیان ایدلمكده وایكنجیسی ، واوچنجیسی ، وشنجیسی وطفوزنجیسی ، واوتنجیسی انحصار اصولی مزوج کورنمكده بولنشدر .

مذاكراتی نتائج مادیه وفعلیه ایصال وانخاذ اولنه حق تدایر ومقرراتی حقایق مثبتیه استناد ایتدیره بیلیمك ایچون رزینك یكرمی بش سنه لك اجرا آتی تدقیقه مأمور بیوریلان قومیسینك نتیجه تدقیقاتی حاوی تنظیم ایدلكاری رابورده نظر مطالعه وتدقیقندن کچیرلدی .

توتون بالمله مالک متمدنه خزان حکومت مههم مقدارلرده واردات اعطاسنه واسطه اولدینی حالده مملکت مزده صوك یكرمی بش سنه ظرفنده بویوزدن اخذ واستیفا اولنان مبلغك حد وسطی سنویسی ولایات عثمانیه نك براییکی وسعتنده اولان بلغارستانده بیله توتونك تأمین ایدلیکی مبلغدن برآز فضله اولسی جالب نظر دقت برحال اولدینی جهته رژی امتیازی رهین اقتضا اولدقندن صوكره ممالك عثمانیه ده صرف واستهلاک ویا ممالك اجنبیه به اخراج اولنان توتونك تابع اوله جنى اصول ومعامله یی تنظیم ایده چك طرز اداره نك ، مملکتده توتون زراعت وتجارتنه وسعت وكشایش ویره چك ورفاه وثروت عمومیه یی تزیدد وتكثیره خادم برطامل حالته افراغ ایده چك شرائط وتسهیلاتی احتوا ایتیمی نقطه سی اساس مذاكرات وتدقیقاتی تشکیل ایلیمكه برابر حكومتك بودجه آچینی قیامق وامور مالیه سنده توازن حاصل ایده بیلیمك ایچون یکی ویركولر طرح ایتكسزین فضله واردانه بك سدتله محتاج بولندینی شو صروده توتون وارداتی مصارف دولتك دهافضله برمقدارینی قیایه حق ومملکت مزك وسعتی واهالیمرك عددیله متناسب اوله حق برمقداره ابلاغ ایده بیله چك تدایر دخی نظر دقتدن دور طوتولامش ومذاكرت بوزمین اوزرنده دوام وجریان ایلمشدر .

بکن سنه مجلس مبعوثان موازنه مالیه انجمنندن اعطا اولنان مطالعه نامه ده دخی بیان اولندینی وجهله توتون ایچون یا انحصار ، یا باندرول اصولی قبول ایلیمك ویاخود مزروعات اوزرینه بر رسم وضع وطرح ایتك ایجاب ایدر .

صور ثلثه مذکورهدن اوچنجیسی مطلوب درجه ده نمره دار اوله حق بر اصول اولمادینی کپی اراضینك متفاوت اولان قوه انبانیه سی سببیه هر دونم ترلا ایچون سیاناً رسم وضعی حقسزاق اوله جنى وهر ترلانك نه قدر توتون حاصل ایده چكنك صورت صحیحده تعیینده متعسر اولدینی جهته بوصورتك قابل تطبیق اوله میه جنى اكلاشلمش وشو سببیه تدقیقاتمز انحصار وباندیرول اصوللرندن هانکیسنك قبولی انفع اوله چفنك تعیینی نقطه سنه حصر ایدلمشدر .

ساف العرض ایکی اصولدن برینك ترجیحی ضمننده مناقشات جریان ایتدکدن وهر ایکی اصولك له وعلیهنده برچوق افکار ونظریات سرد وایراد ایدلدکدن صوكره آرای موجوده ایکی به انقسام ایدرك برقسى منفعت مملکت وحکومتی انحصار اصولنده مندمج کورمشلر ودیکرلری ده بوامله باندیرول اصولنك تطبیقیله وصول میسر اوله جفته قناعت حاصل ایلمشدر .

اصول انحصاره طرفدار اولنلر بواصولك ضررت تطبیق نقطه سنده اوچه آیریلهرق اعضادن واردات عمومیه مدیری فائق بك افندی اخراجات مخصوص توتونلری ده دأرهمی داخلنه المق وحکومت طرفندن اداره ایدلمك شرطیه تام برانحصار وضعی تکلیف ایلمش واعضادن دیون عمومیه ومعاملات تقدیه مدیری حامد بك افندی

ایله اصلاحات مالیه قومیسونی اعضاسندن ویتالیس افندی انحصاری شمیدیکی کبی صرفیات داخلیه مخصوص اولوق ومنحصراً حکومتجه اداره ایدلک قیدیه قبول ایتیش و دیون عمومیه اداره سی طرفندن اعزام قلمش اولان مفتش عمومی آسلان افندی ایله عمومی قوترو لوری موسیو مەری دە شکلی تعیین ایتیمکسزین اساس نقطه نظرندن علی الاطلاق انحصار لهنده بیان رأی ایلیمش و رئیس جانبیک مبعوثی نائل بک افندی ایله شورای دولت اعضاسندن عبده و قسطنطین بک افندیلر و اصلاحات مالیه قومیسونی اعضاسندن عبدالرحمن بک افندی باندرو ل اصولی قبول ایتیشلردر .

مثلاً، نك تمامیه توضیح و تنوری ایچون مطالعات مسروده نك آیری آیری درج و تحریری مناسب کوردی .

دیون عمومیه اداره سندن اعزام قلمش اولان مفتش عمومی آسلان افندی ایله عمومی قونطرو ل موسیو مەری نك اعطا ایلدکاری مطالعه نامه بروجه زیر درج اولنور .

باندرو ل اصولنه طرفدار اولانلر طرفندن بواسوله عطف اولنان فوائد و محسنات بروجه آتی بولمقده در :
اولاً — کرک توتون ذرائعتک سربست بر اقله سی و کرک داخل صرف ایدیهلک توتون مبايعاتنک رقابتہ میدان و رسمی یوزندن هم زراع ایچون استفاده حاصل اوله جق و همده توتون عشری وارداتنده تزايد حصوله کله جکدر .

ثانیاً — توتون انحصاری یرینه بر جوق فابریقه لر تأسس ایتی صوریله صنایع ملیه ده ترقی و تکمل حاصل اوله جکدر .

ثالثاً — توتون محصولاتی دها نفیس و اهون فیأنه صاتیله جق و شوصورتله هم قاجاقجیاق زائل اولمش و همده توتون صرفیاتی تکثر و تزايد ایتیش اوله جکدر .

اشبو نقاطک هر بری آیری آیری بروجه زیر نظر تحلیل و تدقیقندن کجریله جکدر .

برنجی نقطه — باندرو ل اصولی طرفدارانی ، توتون محصولی زیاده اولان محملارده انحصارک فائده ویرمامکده و بناء علیه انحصار اصولتک لغوی حالنده توتون زرعیاتنک دها سربست صورتده اجرایی قابل اوله جفی فکرنده بولمقده در لر .

بوفکری قبول ایده بیلیمک ایچون ، نظامت مرعیه حاضر نك زراع ایچون برطاقم قیودات تحدیدییه متضمن بولنسی اقتضا ایلردی . حالونکه حال و موقع بویله دکدر . چونکه الیوم دستور العمل اولان نظامنامه توتون انحصارینک وضع و تطبیقندن برخیلی زمان اول نشر ایدلش و احکامی دخی زراعتک بالعکس لهنده بولمشدر . بومدعانک دلیلی ایسه ، توتون محصولتک مقداری ۱۲۹۸ سنه سنده ۱۳،۹۱۸،۰۰۰ کیلودن عبارت ایکن ، اشبو مقدارک ۱۳۲۶ سنه سنده ۶۰،۰۰۰،۰۰۰ کیلویه بالغ اولمش بولنسی تشکیل ایدوب و آلتیش سنه دنبرو انحصار اصولی جاری اولان مجارستانده توتون محصول سنویسنک ۶۴،۰۰۰،۰۰۰ کیلودن عبارت اولدیفنی خاطر دن چیقار مامق اقتضا ایلر . شوحالده توتون زرعیاتنک بوکون دوجار موانع و مشکلات ایدلیدی ادعاسنی ایلری سورمک طوغری اوله ماز . بالعکس بوبابده موجود اولان سربسیتنک بر آز قلیل و تحدیدی بیله مقتضی کورلمکده در . اکر توتون عشرندن فضله مقدار واردات استحصالنک تأمین اسبابی

مطلوب و ملتزم ایسه بوخصوصده شدتلی و پک زیاده دقتی مراقبه و تفتیش اجراسی لازم کلیر . بوندن مانعدا ویردیکی محصولات کرک صرفیات داخلیه و کرک سوفیات خارجیه ایچون غیر صالح بولنان و بناء علیه قاجاقجیلقدن بشقه برایشه یارامیه جق اولان حوالیده توتون زرعیاتک منع اجراسی بیه تحت وجوده در . ذاتاً زرعیاتک بعض تقییداته تابع طوتملسی و کیفیتک بر نظامنامه یه ربطی لزومی بالذات باندروول اصولنک طرفدارانی نزدنده دخی مصدق بولنقه در . ننه کیم محمود اسمد بکک زیر ریاستنده تشکل ایدن قومیسون طرفندن (مالیه نظارتجه نشر ایدیلان مجموعه نك ۳۵ نجی صحیفه سنه مراجعت) استانبول ولایتی داخلنده توتون زرعی ممنوع اولان منطقه نك توسیعی وازمیر ، سلانیک ، شام ، حلب کبی بلاد جسیمه ده دخی بویه ممنوع بر منطقه احدائی طلب ایدلمشدر .

شو حالده کرک باندروول اصولی و کرک انحصار اصولی تحتنده اولسون توتون زرعیاتنک عین شرائط و تقییدانه تابع طوتیله جنی محقق بولنقه یه و بناء علیه اصول جباتنک تبدیلی یوزندن زراعه هیچ بر فائده ترتب ایتمه چکی تین ایللمکده در .

بوتبدل کیفیتنک محصولات قیمتی نقطه نظرندن زراعه ایچون حسن تأثیری موجب اولسی مأمولیدر؟ بوسواله ویریه جت جواب دخی بر جواب نفیدر . بونک سببی ایسه ، توتون اخراجانی تجارتنک قسم اعظمی شمیدیکی حالده قورسیال ، طوباقورقور پوراسیون ، لیمیتده ، انکلیز - امریکا تروستی ، پشته شهرنده کائن هر توغ و شرکاسی ولوندرده مایر و شرکاسی مثللو بر قاج بیوک اجنبی تجارتخانه لر طرفندن تحت احتکاره آلتش اولدینی جهتنله مایمه فیاتلرینک تعیین و تثبیتی ضمننده بویوک مایمه جیلرک یکدیگریله ائتلاف ایتمسی قولای اولور . مع مافیه بوزر : ایوم پیاسه یه تمامیه حاکم و نافذ دکلدرلر .

انحصار اصولی کندیلری ایچون بومثللو ائتلافه یناشه میه جق اولان بر رقیب مهم تشکیل ایدر چونکه اخراجاتک برهفتش ضروریسی ، اعشارک تحصیلدارکی و باطله معاملات جاریه نك ده ناظر و مبصری اولدینی کبی اداره انحصاریه ایله زراعه آره سنده کی مناسبات دخی نظامات مخصوصه ایله تعیین و تحدید اولنمشدر .

بناء علیه توتون بایرلرینک باشلیجه لری آره سنده وقوع بوله جق بر ائتلاف عمومیدن ظهوری محتمل نتایج و عواقبدن مصون بولنقه در . حالبوکه انحصارک لغوی حالنده ، بلاتردد دینیله بیلورکه الحاله هذه اعمالات ایچون مقتضی هر درلو الات و وسائله مالک بولنان رژی اداره سنک علی العاده بر توتون فابریقه سنه تحویل ایتمسه انتظار ایتمک لازم کلیر . اووقت تماماً سربست قاله جق اولان رژی اداره سنک شمیدی رقیبی اولان مؤسسات ایله ائتلاف ایتمسی منفعتی اقتضاسندن اوله جنی و مذکور مؤسساتک دخی فابریقه جیله باشلامسی مأمول بولندیغندن لو آندر اعتباراً توتون زراعی غایت واسع و قوتلی بر (تروست) ک کیف و آرزو سنه تابع قاله جق و بویه بر (تروست) . قارشی ایسه بر جوق کوچک عاملر ، فابریقه جیلر ایچون بالطبع کمال موفقیتله مقاومت قابل اوله میه جقدر . حالبوکه توتون زراعه ، محصوللرینک قیمتی مزاید ایدم چکی فکر و امید ، انجق بو کوچک عاملر آره سنده جریان ایدم چک رقابت تجاریه یه استناداً ، احساس ایدلمکده ایدی . تعیر آخرله باندروول اصولی تحتنده توتون زراعتک حال و موقی اییشمک شویله طورسون بالعکس بستیون فناشمسی و بو حالکده بالطبع توتون عشری وارداتنه اجرائی تأثیر ایتمسی طبیعی بولنقه در . مع مافیه بویوزدن ترتب ایدم چک ضرر

مبايعه فيثاته عارض اوله حق تناقضدن عبارت قالميه جقدر . انحصار اصولك لغوى حالده بوندن ماعدا ، اليوم رژی به مودوع بولنان دخان عشری معاملات تحصيليه سنك معروض اوله جنى نتایج مضمره نك دخى پیش نظر اعتباره النسی اقتضا ایدر . رژی اليوم مالك اولدینی تشکیلات اداریه وفیه سایه سنده هم اشبو جبات عشر معاملاتنی غایت اهمیتسز مصارفله اجر ایدیه بيلمکده وهم ده تجار طرفندن مبايعه ایدیان توتونلرک قيمت حقیقه سی اوزرندن عشرک استيفائه موفق اولمقده در . چونکه بالذات کندی مبايعه ایلدیکی توتونلر کرک تفتیش ، کرک تقدیر فیثات امرنده اساس خدمتنی کورمکده در . حالبوکه رژی اداره سی الفسا ایدیلیر ، ایدلر جبات مصارفی بوکونکی مصارف ايله نسبت قبول ایتمز بر مقصداری بوله جنى کبی ، بوندن ماعدا ، رژی نك اليوم آیدیه یمش لیرا . ماش اعطا ایلدیکی اهل خبره یی ، دیون عمومیه اداره سی استخدام ایچون هر نه درلو فداکارلق اختیار ایتسه ، ینه رژی اداره سنك ، هیئت فنیه سی معرفتیه کرک مبايعاتی وکرک اعمالاتی تحت نظارتده بولندیرمق صورتیه اهل خبره اوزرنده اجرا ایتدیکی تفتیش و مراقبه یی ، دیون عمومیه اداره سی تأمینیه موفق اوله میه جقدر .

ایکنجی نقطه — باندرول اصولنک قبولی ، توتون اعمالاتی سربست براقه جنى جهتله ، صنایع ملیه نك ترقی و تکملنه خادم اوله جنى ادعا اولنیور . محمود اسعد افندینک تحت ریاستده تشکل ایتمش اولان قومیسون ایسه (مالیه نك نشر ایتدیکی مجموعه نك ۳۱ نجی صحیفه سنه مراجعت) بواصولک عقیب قبولنده ۶ الی ۷۰۰ قدر فابریقه کشاد ایدیله جکنی تخمین ایتکده در .

بر حکومت احتیاجات مالیه سندن طولانی مکيفاتدن معدود بر ماده اوزرینه ویرکو طرح ایلدیکی زمان هرشیدن اول مسئله یی ، مالی نقطه نظرندن درپیش ایلیمسی اقتضا ایدر . حالبوکه انحصار اصولنی قبول ایدن بر حکومت ، ویرکو ايله برابر توتون اعماذتندن متحصل کافه منافع صناعیه یی ده کندینه حصر ایلدیکنندن ، بوه منافعی بعض ارباب صنایع معروض استفاده سنه ترک ایتکله اویله بر فداکارلق اختیار ایلیمش اولورکه بونک اهمیت ، سالف البحث ارباب صنایعک تزايد تروتندن ، اقتصاد نقطه نظر نجه تحصیل ایدیه یلجک فوائدک اهمیتنه نسبتله یک بیوکدر . برده توتون صنایع اعمالیه سنك نهایته اجنبی سرمایه دارانی الرنده قاله جنى دوشونیورسه بویله فداکارلق اختیارنده کی فائده سنرک بسبتون تظاهر ایدر . فی الحقیقه ، یری ارباب صنایعک یک آز اولان وسائط مالیه لری ايله ، بوندن اولکی فصلده بحثی کچن مؤسساتک اتحاد وائتلافیرینه قارشى مقاومت ایلیمیه جکلرینی وبناء علیه بالضروره بر عدم موفقیت کاملیه معروض قاله جکلرینی نظر دقتدن دور طوتاملیدر .

شوحالده باندرول اصولنک قبولندن تحصیل ایدیه جک نتیجه نك ، جهت میریه نك ، توتون صنایعک انحصار صورتیه اداره سندن استحصال ایلدیکی فوائددن محروم اولمسی ، وبوفوائدک ، هیچ برعوض مقابلنده اولمقسزین ، اجانبه کچمه سی اوله جنى کوریایور .

افکار و آمالی منافعتک محافظه سنه معطوف اولان بر حکومتک ایسه بویله بر معامله یه موافقت ایتمه سی لازم که جکی بی اشتباهدر .

اوچنچى نقتە — باندرول اصولى طرفدارانى ، اصول مذكوره نك قبول وتطيقى ايله برابر ساتش فيثاتنك تىزىلى واعمال ايديله جك توتونلرك دها نفيس اولمى ساپه سنده تچاقجىلنك اورتەدن قالقەجنى وصر فياتنك دائرە مشروعيته تزايد ايدە جكى وبوبوزدن حاصل اولەجق وارداتك آلتى مليون ليرا اولە جنى اميدى پرورده اتمكده درلر .

عثمانلى دخان رۇيسنك صوك بش سە ظرفنده كى ساتش فيثاتنك حد وسطى كىلو باشنە ۳۰ غروش ۹۸ ساتىم اولديغىدن ، آنفاليان شرائطدن برنجيسنك نـصـولـه كلى ايچون باندرول اصولنده قبول ايديله جك ساتش فيثاتنك رۇيسنك فيثاتندن اولدقجه دون بولمى اقتضا ايدر . شمدى بونك مكن اولوب اولدينى تدقيق ايدلم :

پورتقال اوغلى افندى ايله داويدان افندى ، باندرول اصولنك قبولى حالنده توتونك تابع طـوـنـيـلە جنى رسومك مقدىرى ميين بررقطە تعرفه تنظيم ايدەرك قوميسيونك نظر تدقيقه عرض ايتشل ايدى . پورتقال ارغلى افنديك مخطرە سنك محتوى اولدينى برنجى تعرفه يە نظراً (برنومرولى لہ مراجعت) عامل مالى تعرفه نك حد اصغرى موحبجه ساتدىنى تقدیرده وضع ايديله جك رسمك مقدارى ۲۴ غروش ۳۰ ساتىم اولمى وصاتش فيثاتنك حد متوسطى دخى ، اصغرى فيثات ايچون ۵۵ غروش ۱۵ ساتىم ، وسطى فيثات ايچون ۷۶ غروش ۵ ساتىم واعظمى فيثات ايچون ۹۷ غروش اولمى اقتضا ايلوردى . بو مختلف فياتلرله رۇيسنك فيات آره سندنكى تفاوت ايسە پك عظيم اولدينى جهتلە ، قوميسيونده بوبادە اعتراض وقوع بولمى اوزرينە پورتقال اوغلى افندى بوتعرفه يى كرى المقده تردد ايلميەرك رينە ايكنجى برتعرفه اعطا ايلمىشدر . (ايكي نومرولى لہ مراجعت) بوايكنجى تعرفه ده ، رسمك حد متوسطى ۲۲ غروش ۲۰ ساتىم وصاتش فياتلرينك مقدار متوسطى دخى ، اصغرى فيات ايچون ۳۴ غروش ۴۲ ساتىم وسطى فيات ايچون ۴۰ غروش ۳۰ ساتىم واعظمى فيات ايچون ۵۴ غروش ۶۲ ساتىم اولەرق كوسترلمىشدر . حالبوكة بوفياتلر دخى رۇيسنك ساتش فياتنك فوقنده بولنقده در . پورتقال اوغلى افندى بونك فرقە وارير وارماز قوميسيونك متعاقب براجتماعنده براوچنچى تعرفه تقديم ايلمىش ايسەده بودخى اولكيلره نسبتله موافق شرائطى محتوى بولنماقده در . چونكه براوچنچى دهده رسمك مقدار متوسطى ۲۱ غروش ۹۷ ساتىم وصاتش فياتلرينك حد متوسطى ده ، اصغرى فيات ايچون ۳۳ غروش ۱۰ ساتىم ، وسطى ايچون ۳۶ غروش ۵۷ ساتىم واعظمى ايچون ايسە ۵۱ غروش ۲۰ ساتىم اولەرق تعين ايدلمىشدر .

ايشته كوريليوركة پورتقال اوغلى افندى طرفندن تكليف ايدىلن فياتلرك حد اصغرى متوسطى بيله ۳۰ غروش ۹۸ ساتيمك فوقنده در . حالبوكة عامللرك هيچ بروقت اصغرى ويا اوسط فياتلرله ا كفتا ليجه جكنى نظر اعتباره آلمق اقتضا ايدر ؛

چونكه مصارف عموميه ايله عاملك كندى كارى داخل حساب ايدلمىكى حالده بيله بركيلو توتون عامله ۳۳ غروش ۹۸ ساتيمه مال اولەجقدر .

بوفیاتك نه صورتله حساب و تعین ایدلیكنی ایسه بوجه آتی کوستریورز .

سانتیم	غروش	
۹۷	۲۱	توتونه وضع ایدیلجهك رسم
۰۰	۷	توتونك مال اولدینی فیات (داویدیان افندی طرفندن قبول ایدیلن)
۲۱	۳	بايله لره ویريله جك اجرت بیعیه (یوزده اون حسابيله ۳۲ غروش ۱۰ سانتیم اوزرندن)
۸۰	۱	تسویه سی عامله عائد اولان ۱۸,۰۰۰ غروش/ ویرکو مأمور معاشندن طولانی سنوی اون
		بیك کیلو صانان عامله بهر کیلو ایچون اصابت ایدن مصرف
۹۸	۳۳	

کندی منفعتی تأمین ایتمک اوزره اعظمی بر فیات بوله جقدرکه بوده تقریباً رژی فیاتنك ایکی مثلته قریبدر .

ایشته بداهة کوریلپورکه پورتقال اوغلی افسدی طرفندن ویریلن پروژه ، باندربول اصولی طرفدارانجه مطلوب اولان مقاصدی یعنی شمديکی صاتش فیاتنك تنزیلی صورتيله قاجاقجیلنك منعی وصاتیشك تزیدی مقاصدینی تأمین کافل بولنما مقده در .

مع مافیه مومی الیهك صوك ویردیکی پروژینی ویرکو نقطه نظرندن تدقیق ایدلم :

سکزر میلیون کیلو استهلاك ایدلمك اعتباريله و بهر کیلو اوزرندن یکر می بر غروش طقسان یدی سانتیم	
اخذ اولنق اوزره سنوی	۱,۷۵۸,۰۰۰ لیرای عثمانی
رسم استحصال ایلمکده و بومقداره واردات متفرقه اوله رق	۱۰۰,۰۰۰ »
	۱,۸۵۸,۰۰۰ »
علاوه و حاصل اولان یکونندن ده مصارف قارشولتی اولنق اوزره	۳۵۰,۰۰۰ »
تنزیل ایدهرک واردات صافیه اوله رق سنوی	۱,۵۰۸,۰۰۰ »
اصل اولمقده درکه رژی اداره سنجه بیك طقوز یوز سکزر سنه سی طرفنده جانب میری به	
تأمین ایدیلان واردات مقدارینه یعنی	۱,۰۰۰,۰۰۰
نسبتله سنوی	۵۰۸,۰۰۰
فضله وارداته موفق اولیور دیمکدر .	

ایمدی صوك تعرفه سی موجبنجه اعظمی صاتش فیاتی الی بر غروش یکر می سانتیم اولمغله بوفیاتك رژی اداره سنجه اتخاذ و تطبیق حالنده جانب میری به یعنی حکومت سنیه ایله دیون عمومیه اداره نه نه مقدار واردات اصابت ایله جکی بالطبع اکلانمق لازم کابر .

بالاده ذکر اولندینی وجهله صوك بش سنه طرفنده رژی اداره سنجه اتخاذ ایدیلن صاتش فیاتی وسطی اوله رق ۳۰ غروش ۹۸ سانتیم اولندینی جهة له آرده یکر می غروش یکر می ایکی سانتیم بفرق مشاهده

ایدیلپورکه بویوزدن اداره مرقومه چه سکنز میلیون کیلو استهلاک ایدمک اعتباریله الیوم مابه التطبيق بولسان شرطنامه دائره سنده برملیون آلتی یوز اون یدی بیک آلتی یوز لیرای عثمانی فضلہ واردات تأمین ایدیلپورکه بیک وطقوز یوز اون بش بیک اوج یوز اون آلتی لیراسی حکومت سنییه و بش یوز سکسان اوج بیک آلتی یوز آلتش ایک لیراسی ده دیون عمومیه غاند اولمق اوزره مذکور فضلہ دن جانب میرییه برملیون درت یوز طقسان سکنز بیک طقوز یوز یتیش سکنز لیرای عثمانی اصابت ایلپه جکی تین ایتیمکده در . (مربوط ۴ بومرولی لفسه مراجعت) اشبو مقدره برده اداره مذکورچه سنوی اعطای نلنای یدی یوز الی بیک لیرای عثمانی علاوه ایدلپکی حالدہ جانب میرییه توجه ایلپان مبلغ مجموعی ایک ملیون ایک یوز قرق سکنز بیک طقوز یوز یتیش سکنز لیرایه بالغ اولدینی اکلاشلمقده بولندینی خالده پورتقال اوغلی اقدی طرفندن تقدیم اولنان لایحه ده یالکیز بش یوز سکنز بیک لیرا کوسترلمکده بولندینه نظراً مذکور لایحه نک کرک اهالی و کرک حکومتک منافعه منایر بولندینی مرتبه ثبوتہ واصل اولمقده در . تنظیم ایامش اولدینی لایحه ده مومی الیه ساده چه فابریقه طورلرک منافعی نظر دقتہ آله رق بوخصوصده اهالی نک دوش تحملنه برملیون آلتی یوز بیک لیرای عثمانی ده علاوه سنده تردد ایتپور .

داویدیان اقدی طرفندن تکلیف اولنان تعرفیه کلنجه بونده کوستریلان وسطی صاتش فیثائی ۳۰ غروش اولمق اعتباریله رزینک صاتش فیثانه تقابل ایدلپکی ایچون حقوق اهالییه ده مساعد بولندینه حکم ایدیلپورکه بونده صاتش فیثائی توتونک سالف الذکر مال اولدینی فیثانه نظراً دون مرتبه ده اولمق حبیبیل فابریقه طورلرک منافعی بستیون اھمال ایدلپکی تظاهر ایتیمکده و بناء علیه کرک پورتقال اوغلی و صوسیدی اقدیلر و کرک بالذات داویدیان اقدیلر طرفندن قومیسونده تصدیق و اعتراف ایدلپکی وجهله تعرفیه مذکورہ نک ناقابل تطبیق بولندینی منقہم اولمقده در .

شو حالده باندرول اصولی طرفدارانجه توتونک مقدار صرفیاتی تزبیده خادم اوله جنی ادعا ایدیلن باشلیجه ایک شرط اساسیدن برنی تشکیل ایلپان تهوین فیثات موقع تطبیقه وضعی صورتیله موفقیت حاصل اوله میه جنی مرتبه ثبوتہ واصل اولمقده در .

کله شمدی توتونک اصلاح اعمالنه دائر اولان ایکنجی شرطه : اول باول بالنسبه غایت جزوی مقدار توتون اعمالک موفق اوله جق اولان بر فابریقه صاحبک صاتش فیثائی عینی اولمق اوزره برانحصار اداره سی طرفندن بازار فروخته چیقاریله جق ماله جنس ونوعجه ده فائق برمال احضار ایدیلپه جکنه حکم ایتیمک قابل قبول دکدر . زیرا وسائط اعمالیه تشعب و انقسام ایتدکجه علی العموم معمولانک مال اولدینی فیثانده اونستده آرتار . مع مافیه بالفرض عکسکی التزام ایدهرک قچاغه قارش توتون عاملرینک حال و موقعی نه اوله بیلپه جکنی تدقیق ایدلم .

عالمک صاتش فیثائی قاجاقچینک فیثانه مساوی یاخود آندن براز فضلہ اولسه بیلپه ازباب مراق ده نفیس توتون تدارک ایتیمک ایچون فابریقه معمولاتی ترجیح ایدمک کارددر و انحق شو فرق فابریقه طورلرک رسم تأدییه سیله مکلف بولنه جقارندن طولانی دائماً مهم بر راده ده فضلہ لی اوله جفندن مستهلکین قاجاغک اوجوزلغنه برتمایل

طبیعی حس ایده جک وشو صورتله قاجاقچیلر ایله فابریقه طورلر آره-نده کی . بارزه مسئله یی دائمی قاجاقچیلر لهنده حل ایتمش اوله جقدر .

بونی اثبات ایتک اوزره دینیه بیلیرکه صانتش فیائتری مساوی اولق شریطیه قچاقچی هر حالده الده ایتک ایسته دیکی توتونه فابریقه طوردن فضله بریأت ویره بیلیر . ویاخود تعریف دیگرله توتونک مبیایه فیائی مساوی اولق اعتباریه فابریقه طور مالی قاجاقچیلردن ده فضله بریأتله موقع فروخته وضع ایتسی لازم کلیر . شو حالده فرض ایدم که قچاقچی توتونک کیلوسی یدی غروشه آلسونده اون بش غروشه صانتسون ، بو حالده ینه کافی درجه ده بر منفعت تأمینندن حالی قالمز . حالبوکه عینی مالی ینه یدی غروشدن صانتون آلان بر عامل منفعتی بتون بتون فدا ایله بیله اعمال ایلدیکی توتونی لا اقل یکریمی بش غروشدن دون فیأتله صاته ماز . بوبایده قناعت حاصل اولق ایچون آتیده کی ایضاحاته عطف نظر ایلیمک کافیدر :

ساتیم	غروش	
۰۰	۷	مبیایه فیائی
۰۰	۱۳	ویرکوی
۵۰	۲	اجرت بیعیه
۰۰	۲	اعمالیه مصرفی
۵۰	۲۴	

دیمک اولیورکه عینی نوعدن برمال بر طرفدن ۱۵ غروشه ویرلیدیکی حالده دیگر طرفدن ۲۵ غروشه-ه صانیله بیلوز .

مع مافیله مسئله کیکنک هیئت مجموعه سی نظر نده مالک نوع وجنسندن زیاده فیأتنک بر موقع مهم اشغال ایلمکده بولنسی کیفیتی در . مکیفاتندن اولان توتونک بوجهندن مسکراتدن هیچ بر فرقی یوقدر . عائد اولدقلری صنفه کوره بوکی شیلره مبتلا اولانلر ممکن اولدینی قدر آرز یاره صرفیه هوسلرینی تسکینه سی ایدیورلر . نته کیم فرانسه وایتالیاده اولدینی کبی هر نه وقت انحصار اداره لرنجه برنوع توتونک صانتش فیائی تزید ایدلش ایسه اهلینک بالطبع قچاغه مراجعت احتمالی مفقود بولنق حسمیه در حال ده ها دون فیأتله صانتیلان توتونلردن استهلاکه انهماک ایلدیکی مشاهده ایدلش وحقی بو حال بالذات در-سماعت رژی اداره سنجه ده ضررینه اوله یق تجربه اولنق وکیلوسی یکریمی غروشدن صانتیلان التنجی نوع توتونک صرفیاتی بیک سکز یوز طقسان ایکی سنه سی ظرفنده اوج ملیون کیلویی تجاوز ایتمش اولدینی حالده یکریمی بش غروشه ابلاغی صورتیه وقوع بولان تثبیت مقدار مذکورک بردن بره بر ملیون کیلویه وپی در پی بومقدار صرفیات بیک سکز یوز طقسان الی سنه سنده بش یوز بیک کیلویه قدر دوشه رک نهایت فیأتک تکرار یکریمی غروشه تزیلی صورتیه حال اصلیسنه ارجاعی اسبابی استکمال ایدلشدر . ایسته بوندن اکلاشیلورکه برمالک صرفیاتی تزید ایتک ایچون ساده جه او مالک اصلاح جنسی کافی اولیوب قیمتکده نظر اعتباره آلمسی الزم وعینی جنسیدن بولان ایکی مال پیننده مالک قیمت حقیقیه سنه نسبتله قات قات فائق رسم کبی بفرق بولندقجه قچاق اربابی مشتری یی دائما محافظه

ایده جگرندن امیندر . حتی نه حاجت باندرول اصولی طرفدارى اولانلر بيله قچاغك منعی ضمننده تدابیر شدیدة اتخاذینی طلب ایلمك و بویله بر طلبه عینی زمانده درمیان ایلدكاری تکلیفات آره سنده کی تضاده بيله قاتلانق صورتيله بوجهی اعتراف و تسلیمده یکنزبان بولندقلری جای دقدر .

بناء علیه بودجه انجمنجه تنظیم اولنان راپورده (صحیفه ۲۳) قچاغك ژاندارمه افراديله رسومات قولیلری واسطه سيله تعقیب ایدلسی لازم کله چکی و دیگر جهندن محمود اسعد بك افندیك تحت ریاستده متشکل قومیسونجه تنظیم ایدیلان راپورده دخی (صحیفه ۳۳) تعقیبات مبحوثه نك پولیس و ژاندارمه افراديله لدی الایجاب عساكر نظامیه معرفتيله اجرایی مقتضی بولندیی سرد و بیسان ایدلمكده واقف الذکر ۶ - ۷ - ۹ و ۱۰ و قنریله موسوم لوايح اصحابی ده كذلك قوه محافظه نك وجوب تربیتیه حکم ایامكده بولنش ویا لکزر رزی امور و معاملاتنك تدقیقنه مأمور بیوریلان قومیسونله (صحیفه ۷۲) داویدیان افندی طرفندن تعقیباتك عدم لزومنه و قچاغك تأسیس رفته منمنه تثبیت ایدلسی موافق اوله چنی درمیان قلمشدر . هر نه حال ایسه باندرول اصولی طرفدارانجه بيله اکثریتيله قچاغك شدتله منی لزومنه قناعت حاصل ایدلش اولسی باعث بمنویندر . زیرا خزینة دولتك توتون رسمی وارداتندن حقیقه مستفید اوله بيلمسی انحق بوسایه ده ممکن اولوب شاید مذکور قومیسونجه ده تسلیم ایدلدیکی وجهله (صحیفه ۷۱) بيك طقوز یوز سکر سنه سنه قدر اداره سابقه جه بو خصوصده واقع اولان تقصیراته مقابل شمدی ارتق قچاغك اوکی کرکی کی النهج اولورسه انحصار اولور اصولنك باندرول اصولندن انتظار اولنان نتایجیه نسبتله قیاس قبول ایتیه جك درجه ده قات قات زیاده فوائد و محسنات تأمین ایله جککنه قطعاً شبهه ایديله مز . آوستریا ، اسپانیا ، فرانسه ، مجارستان ، ایتالیا ، پورتقال ، رومانی و صربستان حکومتلرنده ایوم جاری اولان انحصارلردن استحصال قلنان نتایج بوباید بزه کوزل برر مثال تشکیل ایله بیلیر . واقعا قومیسون اعضاسندن بر چوغی طرفندن باندرول اصولنك المانیا ، جاهیر مجتمعة امریقا ، روسیه و بلغارستانده پكد کوزل نتیجه ارله تطبیق ایدلمكده بولندیی اتیان ایدیلیورسده حکومت سینه نك شرائط حاضرده دائره سنده بيله توتون ویرکوسنك طرحی نقطه نظرندن بو حکومتلرک فوقنده بولندیی زیرده مندرج معلوماتدن ا کلاشیه بیلیر .

بيك طقوز یوز یدی سنه سی ظرفده توتوندن اخذ اولنان رسمك مقداری :

المانیاده	۴,۵۲۵,۰۰۰	
جاهیر مجتمعة امریقاده	۱۱,۲۲۹,۰۰۰	
روسیه ده	۶,۴۳۹,۰۰۰	لیرای عثمانیه بالغ اولمش
کرچه بومقادیر حکومت سینه جه تحصیل اولنان مقداره نسبتله هر حالده فضله ایسه ده بوکا مقابل		
المانیاده عدد نفوس	۶۰,۶۴۰,۰۰۰	
جاهیر مجتمعة امریقاده	۸۴,۲۱۶,۰۰۰	
روسیه ده	۱۲۹,۰۰۰,۰۰۰	

نسبتند بولمشدرکه عینی رسم ممالک شاهانده یکریمی اوج غروشددر . انحصار اصولی اتخاذ ایلدش اولان ممالک سائرده اشبو رسم صربستانده ۸۳،۸۲ وحتی پورتگیزدهده ۹۷،۳۲ غروشه قدر بالغ اولمشدر . بوندن اکلاشیلیورکه حکومت سنیه‌نک آلمانیا، جاهیر مجتمعه آمریکا وروسیه حکومتلرینه توفیق حرکت وامثال ایتسند هبج برلوزم ومنفعت اولیوب آلمانیا وروسیه حکومتلرینک برچوق سنهلردن بری مطمح نظری انحصار اداره اصولی برقاعده شکلنه آتیق اولدینی آروجه جالب دقت اولدینی جهتله پرنس بیسهارق طرفندن بوخصوصه دائر رایخسرات مجلسنده ایراد ایدیلان نطقک برکره کوزدن کچیرلسی هر حالده فائده‌دن خالی اولیه‌جنی طیبی بولمشدر . [پرنس پیدمارقک نطقلرینی حاوی مجموعه‌یه مراجعه] بونکله برابر برکره‌ده حکومت سنیه‌دن توارث ایتش اولدینی باندروول اصولی بوکونه قدر محافظه ایلمش بولنان بلغارستان حکومتک موقع حاضرینی تدقیق ایلیه‌جک اولورسوق حکومت مذکورجه بوبابده الله ایدیلان نتایجک بالنسبه مساعد اولدینی ظن اولته‌بیلیر . فی‌الحقیقه بلغارستان حکومتی بیک طقوز یوز یدی سنه‌سی طرفنده برملیون ایکی یوز یکریمی بش بیک کیلوسی خارجه سوق ایدمک وایکی دلیون یوز اون اوج بیک کیلوسی دی‌ی داخلده صرف واستهلاک اولمق اوزره من‌حیث‌المجموع اوج ملیون طقوز یوز آتیش ایکی بیک کیلو توتوندن غیر صافی اوله‌رق یدی یوز قرق اوج بیک لیرای عثمانی درجه‌سند برواردات تأمیننه موفق اولمشدرکه کیلو باشنه وسطی اوله‌رق اوتوز بش غروش اون القی سائیم راده‌سند بررسم آلمش دیمک اولیور : کیلوسی اون فرائق اوزرندن موقع فروخته وضع ایدیلان‌ک عادی نوع توتوندن یدی فرائق‌رسم استیفا قلنمشدر . بونتیجه‌نک استحصالی خصوصسند برطرفدن توتون زرع واعمالنک ظایت شدید برطاقم نظاماته تابع اولسی ودیگر طرفدن دخی کرک مأمورین‌ملکیه وکرک قوه ضابطه‌جه جهت میری‌یه هردرلو معاونت وتسهیلاتک اصلا دریغ ایدلماش بولنسنک دخل کلیسی اولمشدر . قومیسینوخبه بوبابده ده‌ا زیاده قناعت حصولی ضمننده حکومت مزبورجه‌ایوم مابه‌التطبیق بولنان قانون مخصوص احکامنک بروجه زیر خلاصه درجه لزوم کورلشددر : هویله‌که : توتون زرعه‌نهمساعد اولمق ایچون‌لاقل ایکی : ده‌قار ، (برده‌قار ، بیک مترو مربغه معادلدر) اراضی زرع ایدلسی شرط اولدینی کبی عینی زمانده املاک صاحبی اولمق ودونم باشنه ایکی یوز فرائق تأمینات ارائه قلنمق اقتضا ایدر .

زیرده اعداد اولنان احوالده توتون زرغنه مساعده ایدلر :

اولاً — طاغلق و خانلری متفرق و یا طوبلی اولملغه برابر کثرتلی اولیوب کوچک کوچک کومه لر تشکیل ایدن قری و نواحیده

ثانیاً — سنده قرق و ده قار و دن فضله اراضی زرغنه مقتدر بولنیان قریه لرده ؛

ثالثاً — توتون محصولنک واسع مقیاسده قچاق صورتیله صرف ایدلمکده اولدینی تحقق ایلیان قراردهه ؛

رابعاً — قچاق سببیله دوچار محکومیت اولان کسان ایله بوکیملرک عائله لری افرادینه اشبو ممنوعیت تشمیل ایدیله بیلیر :

خامساً — محصوللری درت سنه ظرفنده فروخته مقتدر اوله میان کسه لره

توتون زرعی طلبنه دائر بیاننامه لر نیسان ابتداسندن اول هر ناحیه نك مدیرینه تقدیم ایدیلور . و اودخی لازم کان رخصت تذکره سی اعطا ایلر . تنسیب ایدلیکی قراده زرغنه مساعده ایتدیکی نوعلرک غیری توتون اگلوسی نغ ایتکه نفارتک صلاحیتی اولدینی کبی حزیرائک یکر میسندده ختام بولمق شرطیله توتون زرغنه باشلانیر باشلانغز فدانلقلر قلع اولنور و عکسی تقدیرده هر مترو مربی ایچسون یکر می فراتی جزای نقدی النور . توتون محصولی مأمورین مالیه نك تحت نظارتنده اوله رق درج اولنور . یپراقلر طولی مالیه نظارتجه تعیین اولنان دمت حالنه قونیله رق هر دمتک ترکب ایتدیکی یپراقلر تعداد اولنور و توتون یپراقلر قورودلدقدن صوکره دخی لاجل انتجربه دمتلر وزن ایدیلوب یپراقلرده نقصان ظهوری حالنده مسیبلردن بش یوز فرانقه قدر جزای نقدی اخذ ایدیلور . سوہ نیتہ مستند اولیان یوزده بشی متجاوز فضله لر مصادره ایدلکدن ماعدا اشبو فضله نك بهر کیلوسی ایچوزده آبروجه بش فراتی جزای نقدی آلتور . ویوزده بشی متجاوز نقصان ظهورنده بونک بهر کیلوسی ایچون صاحبندن اون ایکی فراتی جزای نقدی استیفا قلتور . اعمالانخانه لره کیرن توتونلر ایچسون قطعاً فیره قبول ایدلر . انک عادی توتونک نه صورتله قبیله جفی تعریف ایدلک صورتیله مأمورین مالیه طرفندن توتون اعمالانته مداخله ایدیلور . ونظامات موضوعه یه مخالف حرکت ایدلردن بش یوز فرانقه قدر جزای نقدی اخذ اولنور . اعمالانخانه لرده صورت دائمه قونترول مأمورلری طرفندن ایفا اولنان نفتیشادن ماعدا مأمورین مالیه دخی هر آی مذکور اعمالانخانه لری نفتیشه مجبوردرلر . اعمالانخانه لرده اعمالانک تعطیل ایدلدیکی مدت ظرفنده هنوز باندروول الصاق ایدلامش توتونی حاوی اولان اقسامک بالجله مدخللری تخیم ایدیلور . درونلرنده یپراق حالنده توتون حفظ اولنان بالجله انبارلرک ایکی مفتاحی بولنوب بونلردن بری مأمورین مالیه نزدنده قالور . زراع طرفندن مأمورین مالیه به معلومات اعطا ایدلمکسزین فروخت اولنان توتونلر مصادره و بهر کیلوسی ایچسون یکر می درت فراتی جزای نقدی استیفا قلتور . عامللر طرفندن وقوعه کتیریلان هر برحیله دن طولای جزینه نك گرفتار اولدینی ضرر وزیان مسببه تضمین ایتدیرلدیکی کبی آبروجه بش یوز فرانقه قدرده جزای نقدی آلتور . نظاماً معین مقداردن نقصان توتونی حاوی اولان هر پاکت ایچسون قابریقه صاحبندن یکر می بشدن ایکی یوز فرانقه قدر جزای نقدی آلتور باندروولسز قیلمش توتون صانان کیمسه لرده یوز فرانقدن بش یوز فرانقه قدر جزای نقدی اخذ اولندقدن

ماعداتوتون مصادره ایدیلور وهر قیه سی ایچونده آروجه یکریمی درت فراتی جزای نقدی استیفا قلنور . بارکیر ، اوکوز ، آرابه ، صندال و سائره مثللو قچاق توتون نقلنه واسبطه اتخاذا ایدیلن هرنوع اشیا وحیرانات ضبط ومصادره اولنور . یر پاکت توتونی متعدد اقسامه آیروب آیری آیری صانان ویا آچیق پاکت فروخت ایلیانلردن اللی فرانقندن ایکی بیک فرانقه قدر جزای نقدی آلنور . قچاق صورتیه ادخال ایدیلان اجنبی توتونلرک (برر کیلوسندن) اعمال ایدلماش ایسه اون سکزر فراتی واعمال ایدلماش اولدینی تقدیرده قرق ایکی فراتی جزای نقدی اخذ ایدیلر . توتون قانوننک کندیلمرینه دائر اولان احکامنه رعایت ایدیلان ناحیه مدیرلری اللی فرانقندن ایکی یوز فرانقه قدر برجزای نقدی ایله تجزیه اولنور . باندروول رسمی تأدییه ایتمکمزین توتون ایچن مأمورین حکومت ومستخدمین سائره عزل وطررد وقاچاقچیلر مثللو دوجار مجازات اولنور .

تعداد اولنان تدابیر جزائییه وترهیدییه دن بلغارستانده تطبیق ایدلمکده اولان باندروول اصولنه دائر احکام قانونیه نیک ممالک شاهانه ده جاری اولان انحصاره عائد قانوننک احکامندن نه قدر فرقی اولدینی یک کوزل اکلاشیلورسده جای دقت اولان برجهت واردرکه بودرجه شدید تدابیر مانعه وانضباطیه ره رغماً قومشومزک (بیک طقوز یوز یدی سنه سی طرفنده) نفوس باشنه اصابت ایدن توتون صرفیاتی انجق (۵۲۳) کیلو راده سنده بولنمیسدرکه بونکده سببی محضا اعمالاتک خزینه حکومتک ضررینه اوله رق هرکون یکی یکی برطاقم دیسه لر دوشون برچوق عاملار ییننده منقسم بولنمسنده آرامق اقتضا ایدر . وایشته بوسبیه مبیدرکه بوحاله بشقه برچاره سی بولنمیان بلغارستان حکومتی اولانجه دقتی انحصار اصولنه حصر ایلماش وحقی بواصولک بر آن اول استحضر وتطبیق ضمننده بودقمه حکومت مزبوره مالیه نظارتی شعبه مدیرلرندن بری بعضی مملکتلرله دولت علیه ده اجرای دور وتدقیقاته تثبیت ایلماش وبواصولک سائر اصوله قارشی اولان تفوقی بلغارستانده ده رواج بولمشدر .

انحصار حقنده باشقه جه وارد اولان براعتراضک بورایه درجنه لزوم کورلمشدر :

باندروول اصولی جاری اولدینی زمانلرده توتون صرفیات سنویه سی درت ملیون کیلویه بالغ اولوب صرفیات مبحوطه دن خزینه جه ۷۵۰,۰۰۰ لیرا راده سنده واردات صافیه استحصال اولنمقده ایدی .

انحصار اصولنک صرفیات سنویه سی ایسه سکزر ملیون کیلویه بالغ اولمسنه کوره واردات لاقول ایکی قات اولوق لازم کلیر ایکن انجق ۱,۰۱۴,۰۰۰ لیرا رازده سنده قالمشدر .

بوندن استدلالاً باندروول اصولی انحصار اصولندن دها منفعتیلدر دینیلور . فی الحقیقه هر ایکی اصول عین حالده جریان ایتسه ایدی شو حکم طوغری اولور ایدی . انجق حکومت سابقه زماننده توتون انحصارینک علی حاله براغلمش اولدینی اعتراف ایلیمک لازمدر . کرک مرکز وکرک ولایتلرده کی مأمورین حکومت رژی اداره سنک محتاج بولندینی معاونت ومظاهرتی کوسترمدکن باشقه اکثر یرلرده رژی اداره سنه مأمورین وطولایسیله اهالی طرفندن آثار ضدیت ابراز ایدلمکده بولنش ایدی . بناء علیه انحصار اداره سنجه دخان رسمی اموال امیرییه ده متخذ تدابیر ایله جایت ایدیله میوب بونده صرف تجارتیه مخصوص اصول تعقیبه لزوم کورلمش ، یعنی کوندن کونه مزاید بولسان قاچاقچیلنی رقابت باقمق صورتیه منعه مجبوریت حسن

ایلمشدر . شویله که : سنه سابقه ده رژی اداره سی هر کیلوسی ۱۲- غروشه اولقی اوزره ۲,۳۵۲,۴۰۴ و ۱۹ غروشه اولقی اوزره ۱,۹۸۴,۲۰۲ کیلوکه جمعاً ۴,۳۳۶,۶۰۶ کیلو صائمشرکه عمومی صاتشک یوزده ۵۳ مقدارینی تشکیل ایدر . حالبوکه ۳,۸۱۰,۷۲۸ کیلودن عبارت بولان ۱۲۹۷ سنه سی باندروللو توتون صرفیات عمومیه سندن ۳,۳۳۰,۹۶۷ کیلوسی فی اصغر اوله رق ۳۰ غروشه صاتمشردر .

بورقلر ادعای وافیی کندی کندینه اثبات ایلمکده اولدیغنه مبنی دیگر صورتله جرحه محل یوقدر . یالکیز طرف حکومتدن انحصار اداره سنه وقوع بوله جق معاونت و تسهیلاتک توتون وارداتی اوزرینه حاصل ایله جکی تاثیر حقنده بر فکر پیدا ایتک ایچون شونک ذکر و بیاننه لزوم کوریلورکه :

طربزون ولایتنه قدری بک تعیین اولندیفی زمان ۶۰,۰۰۰ لیرادن عبارت بولان توتون صاتشک درحال ۱۰۲,۰۰۰ لیرایه ارتقا و مشارالیهک و فاتی متعاقب یکیدن صاتش مقداری ۵۶,۰۰۰ لیرایه تنزل ایلمشدر .

بو فصلی اکمال ایتزدن اول توتون فابریقه تورلرینک استعمال ایده بیله جکلری حیل و دسایس طولایسیله

● خزینه به ترتب ایده جک ضرر لر اوزرینه قومیسونک نظر دقتی جلب ایلمک لازمه دن کورلمشدر .

۱۲۹۸ سنه سنده یعنی باندرول اداره سی زماننده صرفیات عمومیه ۴,۱۳۹,۷۷۴ کیلو راده سنده ایکن نوع

اعلا - یعنی کیلوسی ۳۰ غروشدن زیاده به صاتیلان - توتونلرک مقداری ۶۱۶,۴۳۱ کیلو ایدی .

۱۳۰۱ سنه سنده یعنی انحصار زماننده صرفیات عمومیه ۵,۳۲۰,۷۵۵ کیلودن عبارت اولوب نوع مذکور

اوزرینه صاتش مقداری ۹۷۳,۸۸۳ کیلو راده سنده در .

شو مقایسه به نظراً ۱۳۰۱ سنه سی صاتش سنده ۳۵۷,۴۵۲ کیلو مقدارنده برفرق مشهود اولورکه یوزده

(۶۱) نسبتنده در : توتون رسمنه عائد اصول جیایتک دکشدر لمسیله ذائقه مستهلکینکده بفته تبدیل ایده جکی

و کندولرینک اعلا نوعندن توتون ایچمکه مجبور اوله جکلری قبول ایدیله میه جکی درکار وبالاده کوستریلان فرق

ایکی زمان فابریقه تورلرینک - هر نه صورتله اوارر - اولسون - وقوعه کتوردکلری سوء استعمال مقدارینی

ارائه به مداردر .

الحاصل انحصار اصولنک باندرول اصوله هر حالده مرجح و فائق اولسی اسباب آتییه به مبتنیدر .

توتون محصولنک دولت علیه داخلنده و انحصار اصولی تحتنده مشهود اولان ترقی مهمی اصول مذکورنک

توتون زراعتنه انکل اوله جق برماهیقی حائر اولدیغنی اثبات ایدر .

بوخصوص مجارستان داخلنده دخی درجه ثبوت و ارمشدر . چونکه مملکت مذکورنک توتون محصولی

دولت علیه نککنه فائق اولمغه برابرینه انحصار اصولی الشمس سنه بی متجاوز برمدتدنبری اوراده موقع تطبیقه

قونلمقده در .

زراعتک تحت انتظام و فتیشه النفسی کرک انحصار و کرک باندرول اصولنده برلازم مبرم اولدینی جهتله

زراعتک بوخصوصده کی وظائفی عینی حالده در .

انحصار اصولنک لغوینی متعاقب تشکل ایده جک اولان (تروست) لردن طولایی مبیایه فیاتلری بوکونکی

فیاتلردن دون بر مرتبه به تنزل ایده جکی جهتله زراعتک حالی ایاشه جک یرده کسب و خامت ایلمش و بناء علیه انحصار

اصولنده موجود وسائط تفیشیه نك خزینة مالیه ده مفقود اولسندن طولای دخی توتون عشری دوجار نیاع عظیم اولمش اوله جنی کبی عشر مذکورک اداره وجبای امرنده خزینة یه پک زیاده فضله بر مصرف تحمیل ایدلش اولور .

توتون محصولاتی مثلوا اعمالاتی دخی باندروول اصولنده ، نهایت اجنبی سرمایهلری استعمال ایلمکده اولان برقاچ بیوک فابریقه طورک النده قاله جنی ایچون شوخالده انحصار اصولنک لغوندن تجارت وصنایع ملیه یه هیچ برقاذه ترتب ایتماش اولور .

(تروست) لرك تشکلی احتمالی بر طرف ایدلسه دخی انحصار اصولنک لغوندن حاصل اوله جق استفاده انجق برقاچ یوز تجاره منحصر قاله جفندن شوخالده بواسطه حکومتک توتون اعمالاندن متحصّل تمع صنایعیدن صرف نظر ایلمک صورتیه اختیار ایلمش اوله جنی مهم بر فدا کارلقه اصلا متناسب اولماش اولور .

دخانک مال اولدینی فیأت ایله صائش فیأتی بیننده توتون ویرکسندن طولای ینه اولدقجه وسعت موجود باقی قاله جفندن طولای خزینة ایله قاچاقچی آردسندن رقابتک اجرایی ممکن اوله میه جفته بناء کرک باندروول وکرک انحصار اصوللرنده قاچاغک وسائط شدیدة ایله تعقیبی لزومی آشکار اولمش اولور .

بولزوم ایسه باندروول اصلنی استلزام ایدنلرك همان کافه سی طرفندن بیله تصدیق اولنقده در .
باندروول اصولده فابریقه طورلرك حاصل ایدم جکلری توتونلر فیأتنک انحصار اصولنده کندن دون اوله میه جفی میندر .

انحصار اصولنک باندروول اصولنه تفوقی اوستریا ، اسپانیا ، فرانسه ، مجارستان ، ایتالیا ، پورتگیز ، رومانی و صربستانده استحصال اولتان نتایج ایله درجه ثبوت و ارشددر .

فرانسه ، اسپانیا و پورتگیز ممالکی انحصار اصولنی بر کره لغو ایلدکدن سوکره اتی تکرار وضع وتأیسه مجبور اولمشلدر .

آلمانیا ، جاهیر متفقده و روسیه ده باندروول اصولنه تطبیقاً کیلو باشنه استحصال اولتان ویرکینک مقداری ترکیه ده کندن دون بولنقده و بوسبیدن طولای دخی ممالک مذکورده دن برنجیدی ایله اوچنجیمی انحصار اصولنی وضع وقبوله چالشمقده در .

جاهیر متفقنک شمیدی به قدر انحصار اصولنی تطبیقه تثبیت ایتماش اولمی شبهه سز وارداتی مصارفاته فائق اولدینی جهت به منابع جدیده احداثه لزوم کور مامکده بولنمندن منبئدر .

بلغارستان باندروول اصولندن نسبة نتایج حسنه استحصال ایتدیکی حالده ینه انحصار اصولنک تطبیقنه حاضر لنقده در . چونک احکام قانونیه موجوده کرچه پک شدید ایدمده فابریقه طورلرك حیل و دیاسنه بدرلو مانع اوله مامقده در .

حیل و دیاس مذکور دولت علیه اسکیدن موجود اولان باندروول اصولنده پک زیاده وقوعنه کلکده ایدی .

قدیماً موجود اولان باندروول اصولیه مرعی الاجرا بولنان انحصار اصولنک نتایجی آره سندنکی مقایسه بر دلیل مثبت اوله ماز چونکه بواسطه لارک هر ایکسیده عین احوال و شرائط داخلنده موقع تطبیق و اجرایه وضع اولمامشدر .

توتون انحصارینک جبابی اوزرینه شمدی به قدر نامساعد بر تأثیری کورلش اولان کافه خصوصاته رغماً الیوم استحصال اولنان نتایج هر حالده قدیماً الله ایدلش اولانلره ینه فائقدر .

انحصار اصولی ربع عصردن زیاده بر مدت تطبیق ایدلکدن صوکره باندروول اصولنه رجوع ایلکم وخیم بر خطای مالی تشکیل ایدر .

بو خطانک اودرجه مضر نتایجی اوله بیلورکه شاید باندروول اصولی خزینه طرفندن ایکنجی دفعه اولمق اوزره ترک ایدیلوبده انحصار اصولنه رجوع ایدلکم ایستیلورسه موجود اولان فابریقه تورلره عظیم تضمینات اعطاسنه مجبوریت حاصل اولور .

یکرمی بش سنه دبری استحصال اولنان تجربه لر اصول انحصارک طرز جریاندنه کافه اصلاحات و تعدیلات ممکنه نک اجرایه مساعددر .

حکومت مشروطه نک معاونت و مظاهرت حقیقه سیله توتون ویرکیسی ایلک سنه لرده (۳,۰۰۰,۰۰۰) لیرا حاصل ایده بیله جکی کبی مبلغ مذکور کافه دوائر و شعبات اداره نک یکیدن تنسیق امرنده حکومت سنیه جانبندن مصروف اولان اقدامات و مهماتک موفقیت بخش اولسی نسبتنده تزیاید ایده جکی دخی طبعیدر .

ایشته باندروول اصولنک منافع خزینه نقطه نظرندنک زیاده مضر اولدیفنی و بناء علیه مشترک المنفعه توتون رژیسنک اقتضای امتیازنده مسئله نک منافع مذکوره به تمامیه موافق یکنه طریق حلی انحصار اصولنک ابقا و محافظه سندن عبارت بولندیفنی اسباب متعدده بالفیه بناء تقدیر و بیان ایلرز .



دبره عمومی و مقامات نفیه میری هاسر بلک افندی بربره آلی پایه مطالعات ایللمشدر :

الآن حائر امتیاز اولان رژی شرکتندن مشته کی طرفلر زراع ، تجار و فابریقه جیلر ایسه ده حکومتکده توتون انحصارندن بحق انتظار ایده جکی واردانه نائل اولمامسندن طولانی شکایته هرکسدن زیاده حق واردر .

بوکون اخراجات فوق العاده بر صورتده تزیاید ایتش و ممالک اجنبیه به کوندلرک ایچون مهما ممکن و سائط نقلیه سی اولان یرلرده بر درهم توتون قالمشدر . بوندن طولانی زراع ایله تجارک شکایت ایتامسی ایجاب ایلر ایکن ینه مدعیانده بولملری انحصار شرطنامه سنک بعض موادینک معقول اولمامسندن و بناء علیه شککندن متبشدر . توتون وارداتی هانکی صورتله تحصیل اولتورسه اولونسون بونرک تعدیل و اصلاح اولنه جنی شبهه سزدر بناء علیه بوشکایات حال حاضره مصروف اولوب توتون ویرکوسنک طرز تحصیلیه قاب ایدیلیرسه ایدلسون

البته بوجهتله دوشونیه - بکندن الحصار و یا خود باندرول اسوللرندن برینک و یا خود اوچنچی بر اصولک وضعی ایچون بر عامل تشکیل ایده مز .

فابریقه تورلرک منافعی محافظه و مدافعه ایسه یالکزمالک اجنبیه به معمول توتون اخراجنده نظر دقته آلملیدر . ذاتاً یکریمی سکیز سنه در داخلده توتون اعمالی مجاز اولماسندن طولای بوفابریقه جیلر یا وفات و یا خود مصر و مالک سائزیه هجرت ایش ایش اولمندن طولای بوباید بر صاحب حق تصور ایدیه مز . بوضعتک داخل مالکده توسی آرزوسی درمیان ایدیه بیلیرسده یوکاده شکل اداره دخان هر نه اولورسه اولسون استعمال ایدیلن توتونک مقداری معین اوله جفندن بونی اعمال ایچون هر زمان لازم کلدیکی قدر صنعتکار استعمال اولنمی طبیعی بولندینی جوابی ویریلور .

معمول توتونلرک مالک سائزیه منع دخولی ایچون حکومتلرجه احداث ایدیلن مشکلات و تقیدات طولایسیله مالک عثمانیه ده توتون اعمال ایله اخراج ایشک همان همان غیر ممکن برحاله کلکده ایسده مشکلات حاضرینی اقتحام آرزوسی اظهار ایده جک فابریقه جیلره اشاعیده ذکر ایدیه جک صورتده قولایلق کوستریله بیلیر .

باندرول اصولک قبولی دولتجه منتظر بولنان وارداتی حصوله کتیره میه جکی و حتی قاجاقیلنی بر درجه دها توسیع ایچون هر فابریقه بلکه ده بر منبع سوء استعمال اوله جنی جهتله حکومت رژیسی طرفداریم . ایشو اصوله خلقت واردات و قوانین حکومته رعایتی سایه سنده قاجاقیلنه جسارت آزاله جنی کبی رژیستک مأمورین محافظه سنه و بر مکده اولدینی محصصات دخی ته رف ایدیه لک امر محافظه مأمورین ضابطه ایله رسومات و دیون عمومی قولیلرینه کوردیر یله بیلیر .

رژینک زراعه اقراضاتی اعظمی اوله رق ایکی یوز بیک لیرایه بالغ اولوب بونک حکومت طرفندن ایکی یوز الی بیک لیرایه ابلاغی حالنده تجارتک ذاتاً وقوع بولان آوانساری دخی انضمام ایده بکندن بوجهت دخی تأمین ایدیش دیمکدر .

حکومت رژیسی فابریقه لرنده ایستین فابریقه توره محل مناسب قریق ایله اعمالنه مساعدده اولورسه بوبایدکی شکایتک دخی اوکی آلمش اولور .

باندرول طرفدارانک انحصارک زراعت و صنعتی محو وامانه ایدیکی ادعا سنده بولمیرینه قارشیک کرک انحصار و کرک باندرول اصولنده زراعت عینی شروط و تقیداته مربوط اوله جنی و صنعته کلنجه مالک اجنبیه ایچون معمول توتون اخراج ایده جکلره حکومت فابریقه لرنده دستکاه تأسیسه مساعدده اولنه جنی جوابی ویریلور .

اهالینک منافعی باندروله و تزیینک منافعی ایسه انحصارده اولدینی ادعاسی درمیان قیلنیور . حالبوکه افراد ایچون عین فیأله اولق شرطیه انحصار توتونی ایچمکه باندرولی توتون قولالمنق بیتنده هیچ بفرق یوقدر . دیگر طرفندن بشقه صنعت و تجارت ایله اوغراشه جقنرک بعضاری توتون فابریقه جیلنی ایده رک برکار تأمین ایدیه صورتیه جیلرینه بر آرز پاره کیره بیلیرسده بونی سائر صنایعه انتساب ایله ده قازانه جقنلری و حالبوکه دیگر طرفندن ایشو کار حکومته قالمقله انحصار حاصلاتی تزیید ایده جکی و بناء علیه بودجه دیگر

ویرکولرہ ضم ایدلکسزین توازنہ تقرب ایلمہجکی جہتلہ افراد ایچون دخی حکومت انحصارینک موجب منافع اولدینی شہہ زدر .

حکومت انحصاری تأسس ایتدیکی حالده زراعه افراض ایدیلہجک ایکی یوز اللی بیک وتأسسات وانبارلر مصرفی اولہرق کذا ایکی یوز اللی بیک ومواد ابتدائیه مہایعہسی ایچون دخی متداول سرمایہ انخاذاقلمق اوزره اوچنجی برایکی یوز اللی بیک کہ جماعی یوز اللی بیک لیرا ایلہ تدویر مصلحت اولنور . شویدی یوز اللی بیک لیرانک توتون انحصاری امتیازینی حائر شرکتک سرمایہ سنہ نظراً جزویتنه بناءً فائضک ازمسی واقسیوز بولندیفندن ناشی حصہ تممک تماماً دولته قلمسی وحکومت طرفندن قاجاق تعقیب اولندیبی حالده صائیشک وقوع بولہجق تزیادی وآروجه محافظه مصرفک اورتہدن قالقہجنی اساسلرینہ بناءً دہا ایلک سنہده واردات ایکی ملیونہ تقرب ایدر امیدندہیم .

اصولیات مالیه قریسیرنی اعضاسنہدہ ربتالیسی افندیکنک مطالعہسی برومہ آئیز :

باندیرول اصولنک انخاذاقی حالندہ تولد ایدہیلہجک باشلیجه محاذیر شونلردر .

اولا — اجنبی سرمایہ سیلہ غایت قوتلی بر تروست ویا هیچ اولمازہ اوچ درت تجارتخانہنک چوق کچمدن توتون تجارت واعمالاتی ید ضبط واحتکارینہ آلمیڈرکہ بونک امثالی نادر دکلدر .

ثانیاً — طوغریہ ن طوغریہ فابریقہلر داخلندہ وواسع برمقیاسده قچاغک ظہوری کیفیتی اولوب بونک منعی قچاغک ذکی ومجرب کیمسہلر طرفندن اداره ایدیلہجک نہ نظراً نہ درجه مشکل اولہجنی درکاردر .

بونلردن ماعدا بوبایدہ جالب دقت برجهت دہا واردرکہ اوہہ مسذکور باندیرول اصولی مأمول ایدلہجکی کبی متمر اولمیوبدہ تکرار انحصار اصولنہ عودتہ مجبوریت حاصل اولدینی تقدیرده بعض اجابک ید تصرفلرندہ بولنہجق اولان فابریقہلرک استعلاکی یوزندن بالطبع ظہوری ملحوظ اولان کونا کون مشکلاتدن صرفنظر ترک ایدلمش بولنہجق اولان انحصار اصولنک یکیدن تأسیسنہ تشبث ایدلہکدہ ناقابل اقتحام دیگر بعض موانع ومشکلاتہ تصادف ایدیلوب ایدیلہجکی خصوصلریدر .

ایشتہ بوسیللردن طولایی شرکت حاضرہنک مدت امتیازی ختام بولدقدہ خارجه سوق ایدیلہجک توتونلر ایچون شمیدیکی کبی تجارت ینہ سربست قالمق شرطیلہ یالکیز صرفیات داخلیہ مخصوص اولق وطوغریدن طوغریہ حکومت طرفندن درعہدہ ایدلک اوزره (مونوپول دہتا) اصولندہ برانحصار تأسیسی مطالعہسنہدہ بولندیغنی بیان ایلرم .

اشبو مطالعہ قبول ایدلہجکی تقدیرده دوائر عائدہ سنندن وتجار وزراع وکیللرندن مرکب برقومیسیرون تشکیلیلہ ایوم دردست تطبیق بولنان نظامانک تعدیل واصلاحی وشمدیہ قدر تجار وارباب زراعت طرفندن سرد اولنان شکایات محفیہ سبیت ویرن مواد واحکام طی واخراج اولنلیدر .

الحاصل بندہ کزجه باندیرول اصولنک انخاذاق اول حکومتجه برمدت قلیلہ ایچون اولسون دولت نامنہ انحصار صورتیلہ بر تجربه اجرایی موافق اولوب علی الخصوص باندیرول اصولندن انحصار اصولہ کچمکدن ایسہ

دولت نامنه انحصار اصولندن باندروول اصولنه چکمه کده کی سهولت ناقابل اعتراض بر حقیقت بولنمغه بوجهت دخی آیجه حائز اهمیت بولنمشر .

واردات عمومی مبرری فائز بک افندی بر وجه آئی یانه فکر و مطالعه ایدری :

دخان رسنک انحصار صورتند اداره سی فکر نده یم فقط رفقای کر آمدن بر قسمی انحصاری یالکز صرفیات داخلیه حصر ایدرک اخراجات صرف ایدیه جک توتونلرک کافی السابق دوغریجه زراعدن مبیامه ایدیهلرک سربستهجه اخراج ایدلرخی تکلیف ایدلکری حالده بنده کز اسباب آتیه دن دولایی بوقید و شرطه لزوم کورمیهلرک انحصارک معنای تامیله تشمیلی طرفدار ییم یعنی توتون محصولی کاملاً حکومت طرفندن مبیامه ایدلی و صرفیات داخلیه شدتلی بر انحصاره تابع اولدقدن بشقه اخراجات دخی حکومت واسطه سیله وقوع بولمیدر دیورم .

فی الحقیقه انحصار یالکز صرفیات داخلیه حصر اولندی و اخراجات کماکان سربست بر اقلدینی و خصوصیه تجارک طوغریدن طوغریه مبیامته مساعده ایدلیکی تقدیرده هم چاغک اوکئی المی ایچون اتخاذ ایدیهلرک تدابیر عقیم قالیر وهم بودجه مزک بک مهم بر رکئی اولقی لازم کلن توتون رسمی بک اهمیتسز بر درکیه تنزل ایدر .

اسماً تجارک سربست اوله رق بالمبیامه توتون اخراج ایتسی انحصار تعبیرندن تفهم اولنه بیان فکرک خلافتده اولنممالک متمدنه نک هیچ بر طرفنده جای قبول کوره مامشدر . واقعا بوکا جواباً اوروپا ممالکنده انحصارک بوصورک تطبیقی اورالرده صرفیات داخلیه کفایت ایدیه جک مقداره توتون حاصل اوله مامسندن وبالطبع محصولک محلیه نک صرفیات مذکوریه تخصیص اولنقی اوزده کاملاً حکومتجه مبیامه ایدلسندن ایلری کلدیکی درمیان ایدیهیلورسده اخراجات بک کثیر اولان مثلاً مجارستانده توتون محصولک حکومتجه بالمبیامه صرفیات داخلیه دن متبانی قسمک بنه معرفت حکومتله اخراج ایدلکده اولسی بواعتراضک نه قدر غیر وارد اولدینی اثباته کفایت ایدر .

سربستی تجارت اساسنه مفایر کی تلقی ایدیه بیان بونقطه ندر خصوصیه بزم مملکت مزده صورت مخصوصده نظر دفته آلمنه شایاندر .

فی الحقیقه طبیعت ملامزی فوق العاده نفیس توتون یتشدیرمک کی بر نعمته مظهر ایتش ایکن بوندن لزومی درجه بنده استفاده چالشماق و آوروپا و آمریکا مستهلک لریک توتونلر مزه اولان رغبتلری نتیجه سی اوله رق وقوع بولان و مستمراً تزايد ایدیه کلن اخراجاتزدن خزینة ماته بر حصه منفعت تأمین و تفریق ایتماک بنده کزجه بک بیوک برخفای مالیدر .

آمریقادکی مستهلکین توتونلر می ثمن مشتریانک اون بش یکر می ائلی درجه بنده بر فیات ایله ایچدکری حالده بوفر ق فیاتک برایکی تجارک جیب استفاده بنه دوشه رک بزم ایسه بودجه می توازن ایتدیره مامکلمک

تجوز اولنور حالاتدن دکلدر . ايشته بنده کز بوکي تجارک استفاده-نی خزينه-ی آلمق ايسته يورمه بوده بالطبع اخراجاتک حکومت معرفتيله جريانی حالنده قابلدرد .

بو باده درميان ايديله بيله جک دها ايکي اعتراض وارد خاطر اوله بيلور . برنجیسی حکومتک بويله مهم بر مسئله تجاريله ايله اوغراشه ميه جني مسئله سيدر . حکومت واقعا تجار اوله ماز انجق توتون اخراجات مسائل ظن ايدلديکی درجه ده قاريشيق ايش اولمادقدن بشقه بوکون تجار ايجون پک آغیر کلن بوتجارت عثمانلی توتونلری يذ انحصارنده بولنان بردولت ايجون هيچ بر مشکلات کوستره مز . چونکه يکرمی ميايوني نفاسجه بلا رقيب اولمق اوزره الی ميايوني کيلو توتوني بولنان بر حکومت ويا تجار پياسه نك طبعيله آمر مطلق اولمش اولور . . مع مافيه بالتجربه حکومتک بويله بر عدم موفقيتی کوريلورسه انحصارک بوقسم خارجيی بر شرکته دور ايدمک هر زمان حق بوکون بيله قابلدرد . ايکنجی مسئله يه کلنجه بوده حکومتک زراعتن نه صورتله مبايعاتده بولنه بيله جکی وخصه وصيله بومبايعاتده توتون قيمتک نه صورتده تعيين و تقدير ايديله جکی کيفيتيدر . بو باده بر جوق اصولر دوشونيله بيلورسه ده اک موافق اولانی مجارستانده بو قدر و تقدیري جاری اولان اصول حاضره نك تدقيق و تطبيقيدر . حکومت اورايه برنی اعزام ايدرك تدقيقات مقتضيه اجرا ايتديررسه مسئله نك حل پک قولای اولمش اولور .

تکليف ايتديکم صورت حقنده بوايضاحات کفايت ايدر ظن ايدرم . باندروول صورتيله استيفا اولنه جني ادعا ايديلن رسومک مقداری بر بچق ملون ليرا، تجاوز ايدمه مديکی — حالبوکه بنده کز بونی ده محتمل کورميورم — حالده انحصار اصولی مبادياً ترايد ايتک اوزره ايلک سنه سنده لا اقل درت مليون ليرا حاصلات ويره بيلير . بومقدارک اوج سنه صکره ايکی مثله بالغ اولسی ايسه قویاً ملحوظدر .

نتيجه اوله رق شورا-نی عرض ايتمکدن فراغت ايدمه که بودجه مزک آچيغنی قيسامق ايجون توتون انحصارندن دها اي بر منبع واردات بولمق متصور دکلدر . اوسيله پول لوروا بوليونک « اردومز بيسوک » خارجه بورجمزده جوق اولدقجه توتون انحصاری بزم ايجون مجبوريدر « سوزلرينی تکرار ايدر . و بودجه مزک توازييله خارجه احتياجندن وعزت نفس مليمزی اک حريم نقاطندن جريحه دار ايليان مراتجات سياسيه دن وارسته قالمقلمز انجق بواصولک قبول و تطبيقيله ممکن اوله بيله جکني عرض ايله بو خصوصه ده رفقای کرام ايله ماليه ناظری بک افندينک و مجلس ملی عثمانی اعضای کرامنک حيتيرينه مراجعت ايلرم .

باندروول اصلنک قبرنی زورچ ايره ذرالنک مطالعاتی برورم آنی پايه اولنور :

معلومدرکه استهلاکات داخلیه رسمونک تصور استيفائيه سی مياننده خزينه دولتک استفاده-نی اک زياده تأمین ايدن اصول نظرياتجه انحصار اصوليدر . چونکه بواصولده ويرکونک استيفایي اصول سازديه نظراً دها مضبوط اولمقه برابر دولت يالکز استيفای تکليف ايله اکثفا ايتيوب تحت انحصاره وضع ايدلديکی صنعتک تجارتنی دخی کنديسنه مال ايدر . انجق ينه شوراسی ده مثبتدرکه انحصار اصولی هر هانکی بر صنعت حقنده تطبيق ايديلورسه اوسنعتک تدريسنه باعث وهیچ اولمزه مستعد اولدینی مرتبه ده ترقی و تقيضنه حائلدر . بناءً عليه انحصار اصولی هر نه قدر خزينه نك طوغريدن طوغری به اولان منافعی وهنه اولاده واسع

بر مرتبه‌ده تأمین ایتسه‌ده مملکتک منافع اقتصادی-نی مغل اولق حببیله بالواسطه ایقاع مضرتدن خالی دکلدر . بومضرتک درجه‌سنه کلنجه بوده بالاطیع انحصار تحتنه وضع اولان صنعتک اومملکتک منابع مختلفه ثروتی میاننده اشغال ایتدیکی موقعله متناسبدر . انحصار تحتنه النان صنعت مملکت ایچون نه درجه‌ده مهم وواسع و مستعد ترقی ایه اصول مذکورمک ایقاع ایده‌جکی ضررده اومرتبه مهم وعظیمدر . بومطالعانه مبنیدرکه اک آغیر استهلاکات داخلیه رسومنه تابع طوتلمقده اولان مسکرات ایله توتون دول متمندنه دن بعضارنده انحصار تحتنه وضع ایدلمش اولدینی حالده دیکرلرنده بونلر حقننده کی رسوم موضوعه بشقه شکللر ایله استیفا ایدلمکده در . مثلاً فرانسه‌ده ایتالیاده توتون رسمی انحصار طریقله استیفا اولنور . زیرا بومابکتلرده اقلیماری اقتضاسنجه توتونچیلک مملکتک اهمیتی منابع ثروندن معدود واستهلاکات داخلیه کافی دکلدر حال‌بوکه ینه اوممالکده اوزوم مستحصلاتی ومسکرات حقننده اصول انحصارک تطبیقنه کیدلماکده در .

چونکه انحصار اصولک خزینهنک منافع حاضره‌سی نقطه نظرندن دیکر اصولاره تفویقه برابر اوممالکتلرده بک زیاده کسب اهمیت ایتش اولان مسکرات صنعت وتجارتنه ایراث ایده‌جکی مضرت پیش نظرندن دور طوتلماقده در . فرانسه‌ده اسکلتزده ایتالیاده ودها بعض ممالکده مسکرات صنعت وتجارتی ثروت عمومی میاننده نه درجه‌لرده برموقع مهم اشغال ایتکده ایه ممالک عثمانیه‌ده دخی توتون زراعت وتجارتی همان اویله برموقع مهم اشغال ایلکده در . ولایات عثمانیه میساننده توتون زراعتنه غیر مساعد اولانلری اندر اولدقدن ماعدا کرک روم ایل وکرک اناتولی ولایاتنک بعضارنده حصوله کان توتونلر نفاستلری جهتیه علی‌العموم اروپا ممالکننده وامریقاده درجه نه‌سایه‌ده رغبت قازانمش در . مملکتیمز توتون زراعتنه ارلدرجه مساعددرکه انحصار اصولک بونجه تطبیقانه رغماً ممالک عثمانیه‌ده توتون زراعت وتجارتی سنه‌دن سنه‌یه ترقی ایدرک بوندن یکرمی بش سنه مقدم عثمانی توتونلرینک مقدار مجموعی یکرمی درت ملیون کیلویی تجاوز ایتماش ایکن شوصوک سنه‌لرده الی ملیون کیلویی بولمشدر . انحصار اصولک تضییقاتی ایلسه توتون محصوازک مقداری شمده‌یه قدر سکان یوز ملیون کیلویی بولش اوله‌جفی وانحصار اصولی لغو اولدینی تقدیرده اون ونهایت اون پیش سنه ظرفنده یوز یکرمی ملیون کیلویی بوله‌جفی ارباب اجناسابک تحت تصدیقنده در .

ایشته اول امرده بومطالعانه وثانیاً اصول انحصار مملکتیمزک احوال مخصوصه‌سنه بناء منفعت خزینهنه‌ده واسع برصورتده تأمین ایده‌مامکده اولسنه مبنی ممالک عثمانیه‌ده توتون حقننده انحصار اصولی یرینه باندرول اصولک تطبیق ایدلمشی ترویج ایلکده‌یز . بزایتزکه توتون ویرکوسی مملکتیمزده باندرول اصولیه استیفا اولدینی صورتده توتون زراعت وتجارتیمز اهمیتی برمرتبه‌ده ترقی ایده‌جکی کی خزینهنک توتون ویرکوشدن الله‌جفی واردات دخی شمده‌یکنه نسبتله تزايد ایلجه‌جکدر .

معلومدرکه ۱۲۹۰ دن ۱۲۹۸ تاریخته قدر ممالک عثمانیه‌ده توتون رسمی باندرول اصولیه جاری اولمش ایدی وتوتونلر درت نوع اعتبار ایدیلرک ۱۲۹۴ سنه‌سنه قدر برنجی نوع قیده اوتوز غروشلق ایکنجی نوع یکرمی اوجنجی نوع اون بش ودرنجی نوع اون غروشلق باندروله تابع طوتلمش وتاریخ مذکورده رسوم مذکورده‌یه بوزده الی ضائم اجرا فلنش ایدی بواسواک موقع اجراده بولندینی صوک سنه یعنی ۱۲۹۷ سنه‌ی غیر صافی اوله‌رق طقوز یوز بیک لیرا وصافی اوله‌رق دخی یدی یوز الی بیک لیرا اراده‌سنده واردات

استحصا ایدلش و باندرو ل تحتده ساتیلان توتونک مقدار مجموعی درت ملیون کیلودن عبارت بولنش ایدی
حق انحصار اصولک تأسیسی اتناسنده انحصار اداره سنک بدل مقطوع اوله زق سنوی یدی یوز الی بیک
لیرا اعطاسیله مکلف طوتلمسی بوحسابه مستنددر . انحصار شرکتک حساباتندن مستبان اولدینی اوزره
بوکون شرکت مذ کورهنک داخلده صاندینی توتونک مقدار وسطیسی سکز ملیون کیلو راده سننده در .
شوحالده انحصار اصولی یرینه باندرو ل اصولی شکل سابقی وجهله دوام ایتش اولسه ایدی توتون رسمی
واردات صافیه سی بوکون کنیدیکنندن برحق ملیون لیرایی بولش اوله حق ایدی حالبوکه معلوم اولدینی اوزره
واردات مذ کوره صـوک بش سنهک حاصلاتک حد وسطیسنه کوره انحق طقوز یوز کسور بیک لیرادن
عبارتدر . بناء علیه انحصار اصولی مملکتیزده منافع خزینـه نقطه نظرندن منتظر اولان منافعی حصوله
کتیره مدکن ماعدا باندرو ل اصولک شمـدی به قدر تأمین ایتش اوله جنی وارداتی بیله ویره مامشدر .

انحصار اصولدمکی بوموفقیتسنزلکک اسبابی تحری ایدلده ایکی سبب موجود اولدینی کوریلور . بری
مملکتیزده توتون زراعتک غایت واسع و داغنیق اولسی وانحصارک برشرکتـه مودوع بولنسی حبسیله قاجاقجیلک
منی قابل اوله مامسی دیگر توتون تجارتندن وقوعه کلن تمتندن خزینهنک استفاده ایدم ماسیدر .

رژیدن النان حسابلردن مستبان اولدینی اوزره شوصوک سنه لرده ممالک عثمانیه نک توتون استحصالاتی الی
ملیون کیلو راده سننده در . بونک یکریمی الی ملیون کیلوسی اخراجاتی و بالکـز سکز ملیون کیلوسی رژینک صرفیاتی
تشکیل ایتدیکنندن متبای اون الی مایون کیلوسی قاجاقجیلر یدینه کچمکده در . رژینک صاته بیلدیکی سکز ملیون
کیلو توتوندن حصوله کلن مبلغ ایکی بحق ملیون لیرا راده لرنده اولدینی حالده بوندن خزینهنک یدینه کچن
انحق طقوز یوز کسور بیک لیرادن عبارت قالب متبایسنندن درت یوز ایتش بیک لـیراسی توتون اتمانسه
وبرملیون یوز بیک لیراسی ده مصارف اداره لریله رژی حصه دارلرینک یوزده اون بر بخفه تقرب ایدن
فائض ومؤسـلر حصه سیله حصه تمتعلرینه تخصیص قلمقمده در .

حالبوکه باندرو ل اصولنه عودت اولدینی تقدیرده توتونک صرفیات داخلیه سی سکز ملیون کیلوراده سی
تجاوز ایتدیکی حالده بیله آنفاً بیان اولنان تجربه ایله ثابت اولدینی وجهله واردات خزینـه بدایتده برحق ملیون
لیرایی بوله بیله جکی کبی باندرو ل اصولنده توتون فابریقه لری تعدد ایدرک بونلر بیننده کی رقابت حبسیله زراع
محصولنه ذکر فیانیله طالب بوله بیلوب ارتق قاجاقجی به مراجعتـه حاجت کورمیه جکی جهتله قاجاق توتونلرک مقداری
هان کنیدیکنندن کرکی کبی تناقص ایدرک واردات خزینـه سرعتله سنه دن سنه به ترقی ایلیه جکدر .

خلاصه مطالعاتمز شودرکه توتون ویرکوسنک مختلف صور استیفائییه سی میاننده بشقه مملکتلرده
خزینهنک منفعتنه اک زیاده موافق اولان انحصار اصولی مملکتمز ایچون اساساً شایان توصیه
دکلدر . زیرا مملکتیزده توتون زراعت و تجارتی غایت واسع و توتونخیلک ممالک عثمانیه نک اک مهم منابع
ثروتندن معدود اولدیفندن انحصار اصولی برطاقم محاذیر اقتصادی و انضباطیه تولید ایتدکن ماعدا قـچاغک
اوکنی المقده قابل اوله مدیفندن خزینهنک منافعی دخی لزومی درجه ده تأمین ایدم مامکده در .

مقدما جاری اولش اولان باندرو ل اصولک نتایجیله الیوم جاری بولنان انحصار اصولک نتایجی بیننده
برمقایسه اجرا ایتک بومدعایمک ثبوتنه دلیل کافیدر بومقایسه دن مستبان اوله جنی وجهله باندرو ل اصولنه

عودت اولندینی نقدیده خزینه واردانجه برشی ضایع ایتدکدن مابعدا دها ایلک سنه سندن اعتباراً یوزده یوز
فضله واردانه نائل اوله جقدر .

مع مافیه شوراسی ده جای انکار دکادرکه دیگر رفقاسزک بیان ایلدکلری وجهله انحصارک بمض ممالک
متمدنده جاری اولان شکله دولته اداره سی قابل اولسه و تچانگک منعه و یاخود اهمیتز بر مقداره تنزله
برچاره بولنسه و باحصوص رفقاسزدن فائق بکک تصور بیوردقلری کبی انحصار اخراجانه قدر تشمیل
ایدیله بلسه انحصارک تأمین ایده جکی واردات باندروول اصولک تأمین ایده جکی واردادن فضله اوله بیلوردی .
چونکه بوضورتد واردات دولت یالکزو برکودن عبارت قلیوب توتونک اعمالاندن و داخلی و خارجی تجارتندن
حاصل اوله جق تمتی دخی شامل اولق لازم کلوردی حال بوکه فکر مزجه افتا دخی بیان ایتدیکمز وجهله
مملکمزده اهمیت فوق العاده بی حائز اولان توتونجیلکک انحصاره تابع طوتلمسی منافع اقتصادی مزله قابل توفیق
اوله میه جکی کبی انحصار اصولک مها ممکن بر شکل اهونی دیمک اولان دولت انحصارینی تطبیق ایتک ایچوند
هنوز وقت مساعد حلول ایتامشدر .

زبدۀ مطالعاتز بوندن ببارت ایسه ده انحصار اصولنی ترویج ایتدکه اولان رفقاسزک باندروول اصولی
حقده کی اعتراضلری مناقشه سز کچمکده مناسب اوله میه جفندن اولبایدکی افکارمزی ده بیان ایده لم :

انحصار اصولک ترویجی بولنده درمیان اولن مطالعاتک برنجیسی اصول مذکورک توتون زراعتی
اخلال ایتدیکی و بالعکس اصول مذکورک تطبیق اولنلیدن بری محصول مذکورک سندن سنهیه تزیاید ایتش
اولمی بولنده کی بیاناتدر فی الحقیقه بالاده طرفزدن دخی بیان اولندینی اوزره بوندن پکرمی بش سنه مقدم
رژینک ایلک سنه سی توتون محصولز یکرمی درت ملیون کیلو راده لرندۀ ایکن الیوم الی ملیون کیلونی
بولمشدر . فقط بونتیج انحصار اصوله عطف ایدیله جک بر مزیت دکل مملکتیزک توتون زراعتنه درجه استعدادی
و عثمانی توتونلریک رواجی کو ستر برکیفیتدر . توتون زراعتزده کوریلن شورتق انحصار یوزندن وقوع
بولیوب انحصاره و انک تضییقات و تصمیباتنه رغماً وقوعه کلشدرکه بوده توتون ویرکومی حقده ویریله جک
قراردۀ زراعت و تجارتۀ ایتاق موافقتد احتیاجاً نه درجه لرده متیقظ بولنمه مز ایجاب ایتدیکنی ارئه ایدر .

انحصار اصولک ترویجی بولنده کی ایکنجی مطالعه الیوم اخراجات تجارتیه منشول بولنان اوچ درت بیوک
تجارتخانه هان متفق کبی اولوب باندروول اصولک تطبیقنده شمیدیکی رژی شرکتی دخی عای برتوتون
فابریقه جیسی صفتیله اجرای معامله یه قویله رق بونلرله اتفاهه داخل اوله بیله جکی جهته توتون تجارتی حقده
عادتا بر تروست تشکل ایدرک کوچوک سرمایه لی تجارتک بونلرله رقابتدن عاجز قاله جقلری و بونک نتیجه ی
اوله رق برلی فابریقه تشکل ایده میه جکی کبی زراعتده ینه قارشولرنده یالکز برطالاب کورده رک صانش قیانتده
بر استفاده تأمینۀ موفق اوله میه جقلری زمینده کی مطالعه در .

شوااعتراض وهله اولاده بک قوی کوریلور فقط ایوجه تعمیق ایدیلورسه قورقیله جق براعتراض اولمدینی
اکلاشیلور زیرا کوریلورکه بویه برتروستک شمیدیکی انحصار اصولنده تشکیلی باندروول اصولنده تشکیلدن
قابت قات سبیلدر مذکور اوچ درت اخراجات تجارتخانه لرله رژی شرکتی اتفاق ایدیلوروب شمیدی به قدر
برتروست تشکیل ایتکی البت دوشونمشلردر . فقط نه چاره که اخراجات تجارتز مذکور تجارتخانه لره

منحصر اولدینی جهتله انحصار اصولی طرفداری رفقارمزدده تحت اعترافلرنده اولدینی اوزره بونلر اخراجات تجارتنه حاکم اوله مدقلری کبی بونلرک توتون مبایعه ایتدکاری محللارده رژی ده زراعه کندی فیاتلرینی تحمیلدن عاجز قالمقده در . معلومدرکه برایشده رقابت نه درجده محدود اولورسه تروست تشکیلی ده اودرجه کسب سهوات ایدر بزده رقابتک غایت محدود برداثریه ، منحصرقالدینی شو زمانده بیله بویه برتروست تشکل ایده مامشدر . باندول اصولیه برچوق فابریقهلر و تجارتخانهلر تشکل ایدرک رقابت شمیدیکنه نسبتله فوق الحد ترابد ایتدیکی صورتده ایسه تروست تشکیلی تهلکسی مزاید دکل بالعکس بسبتون زائل اوله جقدر .

انحصار طرفداراننک باندول اصوله اوچنچی اعتراضلری رژی شرکیق توتون اعشارینی غایت آز مصرفله ویک مضبوط بر صورتده تحصیله موقق اولدینی حالده باندول اصولنده بو واردانکده تناقصه اوغرایه جنی بولنده کی اعتراضدر .

بوعراض شایان قبول دکلدر معلومدرکه توتون اعشاری الیوم ایکی یوز اوتوز بیک لیرا راده سنده بر مبلغدن عبارتدر حالبوکه توتون محصولاتی الی ملیون بلکه الشمس ملیون کیلوم راده حتی بولش اولوب حد اصغر اوله رق بهر کیلو ایچون ارن غروش صائش فیاتی وضع ایدلسه محصول مذکورک قیمتی بش الی یوز ملیون غروشه بالغ اولورکه بونک ضامئله برابر عشری هیچ شبهه سز شمیدی النان مبلغک دوت مثلی تجاوز ایتک لازم کلور توتون محصولنک بر مقدار قیقاغه صرف اولندیغندن بوندن دولای یوز بیک لیرا قدر برتریلات اجرا ایدلسه دخی ینه توتون عشری یدی یوز بیک لیرادن اشاغی دوشمه مک ایجاب ایدر . شو حساب میدانه ایکن توتون عشرینک رژی یدیله مضبوط بر صورتده اداره اولندیغنی قبولده معذورز .

اعتراضات واقعنک دردنجیمی باندول اصولنده دولت یالکز ویرکو اخذیله اکتفایه مجبور اولوب انحصار اصولنده ایسه ویرکویه علاوه توتون بوجقه جیلرینک کاری خزینه نکه الیه کجیدیکی صورتنده کی مطالعه در . بو مطالعه حقنده کی جوابغزی بالاده بیان ایتش ایدک مع مافیه بوراده پرکره دها تکرار ایده لم انحصارک باندول اصولنه ودیکر اصوللره مرجع اولسنک حکمتی اورته دن تجارتی قالدیردق بونلرک استحصال ایده جکلری تمتی ویرکویه ضمیمه خزینیه جلب ایتمکدن عبارتدر ، انحق بزده الیوم حال بومرکزده دکلدر . رژی شرکیق واردانندن یوزده سکر نسبتنده بر فائض تفریق ایتدیکی کبی فضله تتمه دخی شمیدیکی حالده مؤسسین حصه سیله برابر یوزده اوچ بحق راده سنده اشتراک ایتدیکی جهتله حصه دارانه یوزده اون بر بحق درجه لرنده برکار تأمین ایتمکده اولدیغندن انحصار اصولندن منتظر اولان فضله واردات دولته دکل شرکایه عائد قالمقده در .

باندول اصولنک شایان قبول اولدیغنی اثبات ضمننده درمیان اولنان اعتراضاتک بشنجیمی باندول اصولیه توتونلر مستهائیکنه شمیدیکندن اهون فیاتله ودها نفیس اوله رق صائیه بیله جکی و بو سایه ده قیقاغه محل قالمیه جنی امید اولبور ایسه ده تجارتدن داویدیان وپورتقال اوغلی افندیلرک تنظیم ایتدکاری تمرقهلرک تدقیقندن اکلاشلدینی اوزره بوکا امکان کورلمدیکنک بیاتندن عبارتدر .

باندول اصولنده فابریقهلر تعدد و تکثر ایدرک یکدیگریله ماللرینک نفاتی واسطه سیله رقابت کیریشه جکلری جهتله استهلاک ایدلمکده اولان توتونلرک بالجله انواعی رژی نکه بوکون صائمده بولندیغنی توتونلردن دها نفیس

ومستهلکینک ذائقه وطبیعتترینہ تمامیلہ موافق اولہ جنی اشکاردر ای جنس توتونلرمزک بوکون کافہ عمالک اجنبیہ کوندریلوب داخلہ بونلرک قچاغک غیری برصورتلہ الدہ ایتمک ممکن اولمدینی جملہ نک معلومیدر . بناءً علیہ باندربول اصولنک تأیسی حالندہ اول امردہ محضاً ای جنس توتون تدارک ایتمک مقصدیلہ قچاغہ مراجعت احتیاج قالمیہ جفندن قچاق توتونک مقداری اولاً بویوزدن آزالہ جقدر فیأت مسئلہ سنہ کانجہ فی الحقیقہ قومیسوئزہ مدعو بولسان تجاک تنظیم ایستکاری تعرفنلرک ہرہانکیسی تدقیق ایدلسہ توتونک وسطی صائش فیأتی زوینک وسطی صائش فیأتندن بر مقدار فضلہ اولہ جنی کورلمکدہ در انجق تجار مومی الہم طرفلرندن ویریلن ایضاحاتدن اکلاشدینی اوزرہ معمول توتونک نفاست و فیأت جہتیلہ درجات مختلفہ سی خرمن تسمیہ ایدیلن اسول ایلہ استحصال ایدیلوب یوقسہ اک نفیس معمول توتون منحصر ااک نفیس والک بہالی یاراقندن ودها اشاغی معمول توتونلردہ دہا انا واوجوز یاراقلرندن حصولہ کلیدیکی کبی حتی عینی جنس ونفاستدہ بولسان یاراقلردن دہ بر قاج درجہ معمول توتون استحصال اولندیغندن فابریقہ جیلرک اوجوز فیأتلہ مبایعہ ایستکاری عادی توتونلرک بر مقدار غالی فیأتلرلہ مبایعہ ایلدکاری نفیس توتونلرلہ برخمنہ داخل اولہرق یوکسک فیأتلہ صائمہ مقدمہ اولسندن و ہرہانکی بر فیأتلہ مبایعہ ایستکاری یاراقلرلہ بر قاج درجہ معمول توتون حصولہ کثیرہ رک بونلرک بر قسمی کذلک غالی فیأتلہ صاندقلرندن عادی توتونک قسم متباقیسی اللرنندہ بلا بدل قالمقدہ اولمغلہ اشاغی جنس توتونلرک تمین فیأتی ایچون یالکز باندربول رسمی ایلہ مصارف اعمالیہ وسائرہی نظر دقتہ المی لازم کلوب بوفیأتہ اصل توتون بدلی ادخال اولمغہ محل قالمیہ جمنہ مبنی انلرک فیأتنی قچاقجیلرہ کار براتیہ جق رادہ لرہ ایندیرمک قابلدہر .

شومطالعمہ نک اصابتی رزینک بوکونکی اجرا آئیلہ دہ ثابتدر . معلوم اولدینی اوزرہ بوکون رژی کوی توتونی عسکر توتونی ناملریلہ کیلوسی یالکز اون ایکی بچق واون سکز غروشہ برنوع توتون صائمہ مقدمہ درکہ صائیشک یوزدہ اللی اوجنی تشکیل ایستدیکسی حالندہ بونلرندن ہیج برتمتی یوقددر . اگر بوتوتونلرک حد ذاتندہ بر قیمتی اولسہ ضرر ایدہ جکی طبعیدر .

شوراسی دہ تکراراً بیان ایدمکہ باندربول اصولندہ قچاغک منحنہ اک زیادہ خادم اولہ جق کیفیت فابریقہ لرک تعددی و تجارک تکثری جہتیلہ زراعک محمولترینہ ذکر فیأتیلہ طالب بولہ بیلملریدر . توتونک اوجوز صائمہ سنک بوبادہ بیوک بر تاثیر وفائدہ سی کوریلہ مدیکی رزینک کوی توتونی واسطہ سیلہ اجرا ایدیلکی تجربہ ایلہ ثابتدر . باندربول اصولندہ ویرکو طوغریدن طوغری بہ حکومت بدینہ کچہ جکی جہتلہ قچاقجیلنہ سلوک ایدنلرلہ قچاق توتون استعمال ایلانلر یوکی احوالندن بالطبع شمیدیکندن زیادہ اجتناب ایدہ جکلر وقچاقجیلنہ یوزندن مہادی الوقوع اولان فجایع ایلہ نفوس ضایمتہ وبوندن متحصل وزراع عالم لرینک اکثرینہ شامل اولان تأثرات عمومیہ بہ محل قالمیہ جقدر .

انحصار اصولی طرفدارنی باندربول اصولندہ تأسس ایدہ جک فابریقہ لرک سرمایہ لری وایشلری شمیدیکی رزینک سرمایہ وایشنہ نسبتلہ یک کوچک قالہ جمنہ وبویلہ کوچوک ایلہ قوریلان ایشلرک مصارفی بیوک سرمایہ لی ایشلرک مصارفنہ نظراً زیادہ اولہ جنی مسلماتدن بولندیفنہ بنای فکر ایدرک مذکور فابریقہ لرک توتون فیأتنہ برقات دہا ضمائم اجرا سنہ مجبور قالہ جقلریخندہ بیان ایتمکدہ درلر . بومطلہ دوغری اولمغلہ برابرینہ صورت مطلقہ دہ شایان قبول دکلدر زیرا ہرنہ قدر براینی بیودکجہ اندہ تقسیم اعمال قاعدہ سنک

تطبقى ممکن اولمقدن ناشى دها آز مصرفله اداره اولنه بيله چكى بديهياندين ايسه ده بونتيجه برحد ايله مقيد اولوب او حد تجاوز اولندينى تقدیرده ايشك بيومسى و سرمايه نك چوغالمسى مزارفى تزیل يرينه تزید ايدر . چونكه تقسیم اعمال يوزندن كوريلن فوائدى ايشك نظارت و مراقبه سى يولنده كوريلن مشكلات تماماً احيا ايندكدن ماعدا اسرافاته دخى قبو آچار رژی شركتتك بوكونكى حالى شومدعامن ايچون برديل قويدر . بوندن ماعدا بويولده براداره توسيع و معاملات نكتر اينديكى كې دولت اداره سى حالى آلور . بوراسى مسلمدركه دولت هيچ برزمان تاجر وفابريقه جى اوله مز .

برده رژی محدود برقاج فابريقه حصر اعمالات ايچون كرك غير معمول ايكن و كرك بعدالاعمال توتونك برعبلدن ديكر عمللره نقلنده برچوق مصارف اختيار ايدلمكده اولوب باندرولده ايسه توتون محل حصولنده كشاد اولنه حق فابريقه لرده اعمال و على الاكثر اورالرده استهلاك اولنه جفندن مصارف نقله دن تصرف ايديله جكدر .

انحصار اصولى ترجيح ايتكمده اولان رفقامن بواصولك لهنده صوك برديل اولقى اوزره ممالك متمدنه دن آغير رسم وضعيله توتوندن اهميتلى واردات استحصاله تثبت ايتمش اولانرك انحصار اصوله مراجعتدن بشقه برچاره بوله مدقلىرى و توتون وركونى باندرول اصوليله جبايت ابدن دولتر اسريقا ايله المانيا و روسيه و بلغارستاندن عبات اولوب بورالرده جارى بولنان رسملرده بالنسبه خفيف اولدينى و المانيا و بلغارستانك تزید واردات مقصديه انحصار اصولى قبول ايدك ارژوسنده بولندقلىرى علاوه ايتكمده درلر .

شورائى ده تكرر ايدلمكه بز متركى مملكتلرده يالكز بودجيه چوق واردات تأمين ايتك نقطه نظرندن استهلاكات داخله رسمه تابع طوتيلان اشپادن آغير رسم وضعيله زياده واردات استحصال ايتك ايچون طريق اسلم انحصار اصولى اولدينى قبولده تردد ايتك . شو قدر واركه دولتك وظيفه سى يالكز منافع خزينه سى دوشونمكدن عبارت اوليوب بومنافى مملكتك منافع اقتصاديه تاليف ايدك وحيه دن بولنديفه و حالبوكه بوراده تكرر اينه حاجت كورمديكمز اسباب مخصوصه دولاييسيله توتون انحصارى مملكتتمزك احوال اقتصاديه سيله قابل توفيق اولنديغه بناء باندرول اصولى ترجيحده مضطر قالدق مع مافيه صرف منافع خزينه نقطه نظرندن دخى باندرول اصولى اليوم جارى بولنان انحصاره مرجع اولوب حسن اداره ايدك و بويله تطبيق اولمق شرطيله برنجى سنه سنده بيله شمديكنك ايكى مثلى واردات تأمين ايديله چكى و بورادانك سنه دن سنه ترقى ايله چكى جاي تردد بولنديغى اسباب و ادله سيله بيان ايدك و شونتيجه كوره موجود باندرول نظامنامه سى اساس اتخاذ ايديله رك همان بر نظامنامه تنظيم و احضار ايدلسى لازم كله جكنه قناعت حاصل ايتك .

مطالعات مسروده بوجه بالا درج و بيان ايدلمش و مذاكرت بوصورتله ختام بولمش اولديغندن ايفساي مقنناتى منوط رأى على نظارت پناهيليريدر . ۲۰ تشرين اول سنه ۱۳۲۶

ديون عموميه و معاملات نقديه مديرى واردات عموميه مديرى جانيك مبعوضى
حامد فائق زهت نائل

عبداه قسطنطين عبدالرحمن ويتاليس آسلان مهرى

